




法華會義

十三十四



C40  
4514  
(10)



60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 80 1 2 3 4 5 6 7 8 9

C40-4514

了翁上座請大藏及有  
家書置之武州紫雲山  
我微笑塔院府中永  
為學者不敢許出院內  
當山二世鐵牛機謹誌



B 64853

妙法蓮華經台宗會義卷五之三

古吳後學萬益智旭述



(癸)

本門二明三世益物中二譬說二初立譬二法

合

(子)初中二初良醫治子譬譬上三世益物

二治子實益譬譬上總結不虛

(丑)初又三初  
遠行譬譬過去益物二還來譬譬現在益物三

復去譬譬未來益物

(寅)今初

譬如良醫智慧聰達明練方藥善治衆病其人多諸  
子息若十二十乃至百數以有事緣遠至餘國

前法說中有三意。初益物處。二拂迹疑。三益物所宜。今但譬益物所宜。就所宜中。有感應有施化。今具譬之。譬如良醫至善治衆病。卽譬我以佛眼觀。有能應之智也。其人多諸至乃至百數。卽譬衆生來至我所有能感之機也。於施化中。有形聲兩益及得益歡喜。今略不譬歡喜。又略不譬聲益。於形益中。又略不譬非生現生。但譬非滅現滅一意。卽是以有事緣遠至他國也。言良醫者。醫有十種。一者治病。病增無損。或時致死。譬空見外道恣意行。

二惡教人起邪斷善根法。法身既亡。慧命亦死。二者治病不增不損。譬有見苦行外道。投巖赴火。苦行行善。不得禪定不能斷結。故不損亦不斷善。故不增也。三者治病損而不增。但差已還發。譬修定斷結外道也。四者治病能令差已不發。而所治不偏。譬二乘人。但治一兩種有緣者。不能偏治一切也。五者雖能兼偏而無巧術。用治苦痛。譬六度菩薩慈悲廣治難行苦行。釋論呼爲拙度也。六治病巧術。治無痛惱。但不能治必死之人。譬通教菩薩體。

60

1 2 3 4 5 6 7 8 9 10

1 2 3 4 5 6 7 8 9 10

法巧度。但治有反復。凡夫不治敗種二乘也。七雖能治難愈之病。不能一時治一切病。譬別教地前菩薩也。八能一時治一切病。而不能令平復如本。譬圓教十信也。九能偏治一切。亦令平復如本。而不能令過本。譬圓教四十位也。十者一時治一切病。卽能平復。又使過本。卽是如來。醫有十種者。通收邪正。貫彼偏圓。前之三種亦稱醫者。佛未出時。一切外道皆自謂出家。各自領衆故也。第三醫中云。差已還發者。雖斷事惑。還墮三塗。以見惑未斷。故隨禪受生之後。仍受輪迴也。如阿含云。良醫有四。一善知病相。二知病因起。三善知方治。四畢竟不發。但是此中第四第五二種醫相。何以故。所知病相不出界內。

知病因起。不出依正。所有方治。不逾生滅。無常苦空。無我不淨。所云不發。祇是住二涅槃。苦以四名義。通諸教。則一一教隨義各別。乃至圓教。於理無妨。若直引彼以證此經。則尚不同。通教巧治。安譬本門數數生滅。湧不可也。第八不能令平復者。自入未湧。未能令他見本法身。法身被無明所覆。義如病損。令還得見。方名爲復也。第十言過本者。法身本有。今令證本。名之爲復。以對性德無功用故。故修名過。然初住已上。亦得名爲分過。由殘惑在。且名爲復。又讓極地究竟名過也。前三種醫。卽大經中之舊醫。用乳藥也。後七並是客醫。無巧術者。但用無常苦無我法。如用苦酢鹹藥。有術遠來。還令服乳。卽最後究竟良醫。良者善也。具曉八術。譬三達五眼也。智慧者權實。二智。湧知二諦。

也。聰達者五眼鑒機頓漸不差也。明練方藥者譬  
十二部教文理甚淡也。能詮文如方所詮理如藥。  
藥通行理今且云理。理卽攝行也。善治衆病者譬  
能觀知諸根利鈍巧用四悉檀也。多諸子息者子  
義有三種。一正因佛子。謂一切衆生皆有三種性  
德佛性。即是佛子。故云其中衆生悉是吾子也。二  
緣因佛子。謂曾聞一句一偈稟說修行所生微解。  
卽了因性。所修微行。卽緣因性。正性爲本。束此三  
性。總名緣因。以能資發一實解故。故云長者諸子

若十二十乃至三十。先因遊戲入火宅也。三了因  
佛子。謂聞法悟道。三因開發。正因理心發。卽法身  
德。了因慧心發。卽般若德。緣因善心發。卽解脫德。  
束此三性。總名了因。以能了達中道義故。故云從  
佛口生。從法化生。得佛法分。真是佛子也。若了因  
子。常得見父。父不遠行。若緣因子。機尚未熟。父卽  
遠行。得有飲他毒藥之義。今云多諸子息。正是普  
收正因子也。若十者。十界中佛界機也。二十者。十  
界中佛及菩薩兩界機也。乃至百數者。十界互具

十界故爲百也。百界並有性德三因。並有生善之義。故皆名子息也。以有事緣者譬此土機淺彼方緣熟也。遠至他國者譬非滅現滅。卽所謂亦復現言當入涅槃也。

(寅)二還來譬譬現在益物二。初譬感應。二譬施化  
(卯)今初

諸子於後飲他毒藥。藥發悶亂。宛轉於地。  
此譬上文機應相關。見諸衆生樂於小法德薄垢重也。佛在世時不但已聞法者薄有解行。縱令不

見聞者亦蒙利益。如生盲不見日輪亦藉日輪而得起作。佛旣非滅示滅。不惟大地幽闇。縱令曾結緣者通惑未斷。漸著三界見思毒藥故云飲他毒藥。不知出要。故云悶亂。輪轉六道故云宛轉於地也。

(卯)二譬施化二。初譬現形。二譬說法  
(辰)今初

是時其父還來歸家。諸子飲毒或失本心。或不失者。遙見其父皆大歡喜。拜跪問訊。善安隱歸我等愚癡誤服毒藥。願見救療。使賜壽命。

還來歸家。譬上爲是人說我少出家得三菩提。非生而現生也。或失本心者。譬食著三界失先所種。若頓若漸諸善根也。或不失者。譬雖著五欲。不失三乘善根也。遙見其父者。譬佛出時衆生亦見色身。而爲見思障隔。五分不得親奉法身。故云遙也。見聞佛出。皆有喜敬求救之事。具如諸經所明。  
(辰)二譬說法。上文廣明一代所說。及釋巧說之由。所謂照理稱機。今但總明三意。初譬佛受請轉頓漸法輪。二譬勸誠。三譬得益。

(巳)今初

父見子等苦惱如是。依諸經方。求好藥草。色香美味。皆悉具足。擣篩和令。與子令服。

經方譬頓漸一切諸教典也。藥草譬頓漸一切諸法門也。並是出世正法。故名爲好色。譬大小乘戒。戒防身口。事相彰顯也。香譬事理。諸禪功德。普熏也。味譬權實諸慧。能證空中理味也。皆悉具足者。不論頓漸大小偏圓。皆有此三學也。又色是法身體質義故。香是解脫離臭義故。味是般若證覺義故。大小偏圓一切法門。皆悉攬此三德而爲體也。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

擣譬空三昧。篩譬無相三昧。和合譬無作三昧。大小偏圓皆有此三種三昧。一一三昧皆具戒定慧三。亦皆以三德爲其體性。但有明昧之不同耳。又空觀如擣。假觀如篩。中觀如和合。三觀皆不離戒定慧。亦皆不出三德體性。將此法與頓漸衆生令其修行。名令服也。

(已)二譬勸誠  
而作是言。此大良藥。色香美味皆悉具足。汝等可服速除苦惱。無復衆患。

(已)三譬得益  
遲頓漸諸典俱有勸誠。  
汝等可服勸也。速除苦惱誠也。勸令早服。誠令勿病。盡除愈。

其諸子中不失心者。見此良藥。色香俱好。卽便服之。子旣徧收十界。故獨舉不失心者。能得現在益也。從初成道。乃至涅槃。最後得度。皆由不失三乘善根故耳。見色香好。卽便服之。服乃得味。得味病除。譬因戒生定。因定發慧。能斷三惑也。二還來譬。譬

現在益物竟

法華會第十三

寅三復去譬。譬未來益物。上文有二。初非滅唱滅。  
次釋須唱滅。就初又二。初明本實不滅。二明方  
便唱滅。次文亦二。初明不滅有損。二明唱滅有  
益。今具譬之。卽爲四。初超譬不滅有損。二譬方  
便唱滅。三譬唱滅有益。四追譬本實不滅。

卯今初

餘失心者見其父來。雖亦歡喜問訊。求索治病。然與  
其藥而不肯服。所以者何。毒氣深入。失本心故。於此

好色香藥而謂不美

餘失心者譬往昔結緣尚淺之人。及昔未結緣之  
輩。不能于今佛世得度。須至滅後方漸熟曉。卽是  
未來機也。毒氣深入。譬上貪著五欲。入於憶想妄  
見。網中好色香藥而謂不美。卽是不能持戒習定。  
所以終不能得理味。譬上便起憍恣而懷厭怠也。

卯二譬方便唱滅

父作是念。此子可愍。爲毒所中心皆顛倒。雖見我喜  
求索救療。如是好藥。而不肯服。我今當設方便。令服

此藥卽作是言汝等當知我今衰老死時已至是好良藥今畱在此汝可取服勿憂不差作是教已復至他國遣使還告汝父已死

死時已至譬當入涅槃也畱好良藥譬畱諸經教法門也復至他國譬此方現滅他方現生故上文云惟願世尊在於他方遙見守護也遣使者或取涅槃中大聲普告爲使人或用神通或用舍利或用經教等爲使人今用四依菩薩語衆生云佛已滅度但畱此法我今宣弘汝當受行也後時若無滅度但畱此法我今宣弘汝當受行也後時若無

四依傳述經法則衆生豈能自知有佛已滅故用

四依爲所遣使

卯三譬唱滅有益

是時諸子聞父背喪心大憂惱而作是念若父在者慈愍我等能見救護今者捨我遠喪他國自惟孤露無復恃怙常懷悲感心遂醒悟乃知此藥色香美味卽取服之毒病皆愈

卯四追譬本實不滅

其父聞子悉已得差尋便來歸咸使見之

良由滅後衆生醒悟。服藥修行以作因緣。能感未來應化。如遺教云。其未度者亦皆已作得度因緣也。亦有精進苦到。卽于道場感見諸佛者。如天台大師親見靈山一會。儼然未散。便是服藥病除之驗。故知滅實不滅。益徧未來。初良醫治子譬上三世益物竟。

(五)二治子實益譬上總結不虛

諸善男子。於意云何。頗有人能說此良醫虛妄罪不。不也。世尊。

初立譬竟

(子)二法合

佛言。我亦如是。成佛已來無量無邊百千萬億那由他阿僧祇劫。爲衆生故。以方便力。言當滅度。亦無有能如法說我虛妄過者。成佛已來無量劫。合過去益物譬。言當滅度。合未來益物譬。現在易知。故略不合。亦無能說虛妄合治子實益譬也。前已具顯過去久遠。今此合意。正欲顯示未來常住。與大涅槃及金光明義同。初長

文竟

法華經卷十三

(辛)二偈頌二。初頌正顯遠。二頌三世益物。合(壬)今初

爾時世尊欲重宣此義而說偈言。自古來無量百千萬億載阿僧祇不頌執近之情。但頌顯遠也。億載皆數名。

(壬)二頌三世益物二。初頌法說。一頌譬說。(癸)初

中二。初頌正明三世益物。二頌總結不盡。(子)初

初又三。初頌過去。二頌現在。三頌未來。

(丑)初

又三。初超頌過去益物所宜。二追頌過去益物處。三頌拂過去迹疑。取(寅)今初。

常說法教化。無數億衆生。令入於佛道。爾來無量劫。爲度衆生故。方便現涅槃。一念無間。無不利益。說法教化頌聲益也。令入佛道頌得益也。方便涅槃頌形益中非滅現滅。卽兼得非生現生也。

(寅)二追頌過去益物處

而實不滅度常在此說法

(卯)三頌拂過去迹疑。一念無間。無不利益。而卒日

我常住於此以諸神通力令顛倒衆生雖近而不見雖近不見故但見孺童得記及壽終等也初頌過去竟

(五)二頌現在二初頌感應二頌施化寅今初衆見我滅度廣供養舍利咸皆懷戀慕而生渴仰心衆生既信伏質直意柔軟一心欲見佛不自惜身命長文明感應中則云樂於小法德薄垢重今頌明供養渴仰等者彼約不知久成義說今約能感迹化義說也又雖戀慕渴仰乃至不惜身命以佛眼

觀總是樂於近成小法者耳

(寅)二頌施化

時我及衆僧俱出靈鷲山我時語衆生常在此不滅以方便力故現有滅不滅

俱出靈鷲山頌現形也我時語衆生頌說法也長文頌說法中先正明一代所說次釋出巧說之由其文甚廣今頌甚略常在此不滅句但頌顯實以方便力二句略頌稱機也二頌現在竟

(丑)三頌未來長文有三初正明非滅唱滅二釋須

唱滅意就初又二。初明本實不滅。二明方便唱滅。今頌不次第。初先頌方便唱滅。兼頌須唱滅其意。二頌本實不滅。兼廣釋不見得見之由。

今初

餘國有衆生恭敬信樂者。我復於彼中爲說無上法。汝等不聞此。但謂我滅度。我見諸衆生沒在於苦惱。故不爲現身。令其生渴仰。因其心戀慕。乃出爲說法。初一偈。光明不滅。次半偈。正頌唱滅。次一偈。頌釋須唱滅意。後二句是頌唱滅。有益得成未來機應。

也  
釋  
三

(寅)二頌本實不滅。兼廣釋不見得見之由。

神通力如是。於阿僧祇劫。常在靈鷲山及餘諸住處。衆生見劫盡大火所燒時。我此土安隱。夫人常充滿。園林諸堂閣。種種寶莊嚴。寶樹多華果。衆生所遊樂。諸天擊天鼓。常作衆伎樂。雨曼陀羅華散。佛及大眾。此正頌本實不滅也。常在靈鷲山指本時應身居于此土也。及餘諸住處。指本時應身亦徧十方。若淨若穢諸處也。本既在此諸處。迹亦不移。但衆生。

妄見劫盡而佛土本無生滅。卽此同居便是方便實報寂光妙土。何以言之。我此土安隱是佛所證安隱之法。卽常寂光土也。由佛能證。卽自受用報土也。天人常充滿者。十地爲天。三十心爲人。卽他受用報土也。衆生所遊樂。卽方便有餘土。九種方便衆生之所居也。天鼓伎樂及天華等。卽實報土中俗諦勝妙五塵。方便土中真諦法性五塵也。我淨土不毀而衆見燒盡憂怖諸苦惱。如是悉充滿是諸罪衆生以惡業因緣過阿僧祇劫。不聞三寶名。

此釋不見之由。由于惡業罪也。寂光實報方便三種淨土皆悉不毀。惡業因緣妄見燒盡。在彼衆生則是同分妄見。以佛菩薩觀之。還是別業妄見而已。

諸有修功德柔和質直者。則皆見我身在此而說法。此釋得見之由。由於修緣了二因也。諸者偏指三乘權實緣修及真修也。功德是如來室。柔和是如來衣。質直是如來座。相似三法行成。則見如來方便應身。分證三法行成。則見如來實報報身。究竟

三法行成。則見如來寂光法身。或時爲此衆說佛壽無量久。乃見佛者爲說佛難值。此總結由於衆生有見不見。故使如來所說不同。意顯說雖不同。皆實不虛也。初頌正明三世益物竟。

(子)二頌總結不虛

我智力如是。慧光照無量。壽命無數劫。久修業所得。汝等有智者。勿於此生疑。當斷令永盡。佛語實不虛。初一偈頌諸佛如來法。皆如是。長文引諸佛以證。

我今頌我以證諸佛也。久修業所得。正顯此品所詮。如來壽量是約修得。不約性得。性得無始無終。生佛體同。修得有始無終。佛佛道同。唯其有始。故過去實成。有久有近。唯其無終。故盡未來時。常住不滅也。次一偈頌爲度衆生。皆實不虛。結勸令斷執近之疑也。初頌法說竟。具大願願實耳。爾言數

(參)二頌譬說二。初頌立譬。二頌法合

(子)今初

如醫善方便。爲治狂子故。實在而言死。無能說虛妄。初三句。但頌非滅現滅一意。卽顯三世益物方便。

又顯滅實非滅。過去久遠未來常住。皆實不虛矣。

第四句。卽頌總結不虛。

子二頌法合

我亦爲世父。救諸苦患者爲凡夫顛倒實在而言滅。以常見我故而生憍恣心放逸著五欲墮於惡道中。此亦總頌非滅現滅一意兼頌不滅有損以顯唱滅是方便也。

我常知衆生行道不行道隨所應可度爲說種種法。每自作是意以何令衆生得入無上慧速成就佛身。

此正頌合總結不虛猶良醫之方便治子病也初正開近顯遠竟。

釋如來壽量品竟次釋分別功德品

分別功德品第十七

此品具有授記領解流通於授記及流通中各有

淺深不同故言分別佛說壽量本迹二種弟子得種種益乃至現在四信滅後五品亦皆得益故言

功德本弟子卽地涌衆迹弟子卽靈山衆

戊二總授法身記三初經家總敘二如來分別三

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

瑞表圓益

(已)今初

淨華集卷十三

十一

爾時大會聞佛說壽命劫數長遠如是無量無邊阿僧祇衆生得大饒益。我說是如來

(已)二如來分別

於時世尊告彌勒菩薩摩訶薩。阿遜多。我說是如來壽命長遠時。六百八十萬億那由他恒河沙衆生得無生法忍。

述門三周說法。三根得記。並是初住無生法忍見道之位。今聞本門復有爾許衆生得入圓住。故知

一代極唱利益難思也。

復有千倍菩薩摩訶薩得聞持陀羅尼門。

先已證無生者。今聞本門極唱轉入修道。增圓妙道。損變易生。證圓十住。得大聞持圓頓妙法。能受能持。猶如大海普能受持龍王雨也。

復有一世界微塵數菩薩摩訶薩得樂說無礙辯才。此是增道損生證圓十行不思議假恒沙佛法橫豎貫通。故能自在演說辯才無礙。辯才復有一世界微塵數菩薩摩訶薩得百千萬億無量

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

旋陀羅尼

此是增道損生證圓十廻向法事理圓融真俗不二。一中無量無量中一重重旋轉互總互持也。復有三千大千世界微塵數菩薩摩訶薩能轉不退法輪。

此是增道損生證圓初地心心流注薩婆若海圓轉三不退輪也。復有二千中國土微塵數菩薩摩訶薩能轉清淨法

輪。

此是增道損生證圓二地自離三惑垢令他離三惑垢故云轉清淨法輪也。

復有小千國土微塵數菩薩摩訶薩人生當得阿耨多羅三藐三菩提。

此是增道損生證圓四地止餘八品微細無明故云八生當得菩提也。斷一品入五地。斷二品入六地。斷三品入七地。斷四品入八地。斷五品入九地。斷六品入十地。斷七品入等覺。斷八品盡入妙覺。每斷一品無明即損一變易生。增明一分中道也。

復有四四天下微塵數菩薩摩訶薩。四生當得阿耨多羅三藐三菩提。

此是增道損生證圓八地。止餘四品微細無明也。損一生入九地。損二生入十地。損三生入等覺。損四生盡卽成妙覺。復有三四天下微塵數菩薩摩訶薩。三生當得阿耨多羅三藐三菩提。此是增道損生證圓九地。故止餘三生也。

復有二四天下微塵數菩薩摩訶薩。二生當得阿耨多羅三藐三菩提。此是增道損生證圓等覺。故止餘一生也。復有八世界微塵數衆生。皆發阿耨多羅三藐三菩提心。此卽博地凡夫。由聞經力。證圓十信。發相似心也。本門得道如此之多。一切諸經皆所不及。良由原

本垂迹處處開引。中間相值數數成熟。今世五味。  
 節節調伏。收羅結撮。歸會法華。譬如田家春生夏  
 長耕種耘治。秋收冬藏。一時獲刈。此後雖復有得  
 道者。如拾芥耳。問授法身記。何缺五地六地七地  
 人耶。答。此非思議可知。惟如來能分別。惟補處能  
 領解。何必于此生疑。問持陀羅尼等。何與舊文  
 對位。又略不同。答。無生忍等名字。並通偏圓權實。  
 本無一定。但須消釋令會圓理。今約義便作此分  
 配。若欲互融。何所不可。當知惟八生四生等的有

多羅三藐三菩提

此是增道損生證圓十地。故止餘二生也。

復有一四天下微塵數菩薩摩訶薩。一生當得阿耨  
 多羅三藐三菩提

此是增道損生證圓等覺。故止餘一生也。

復有八世界微塵數衆生。皆發阿耨多羅三藐三菩  
 提心

此卽博地凡夫。由聞經力。證圓十信。發相似心也。  
 本門得道如此之多。一切諸經皆所不及。良由原

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

本垂迹處處開引。中間相值數數成熟。今世五味。  
 節節調伏。收羅結撮歸會法華。譬如田家春生夏  
 長耕種耘治。秋收冬藏。一時穫刈。此後雖復有得  
 道者。如拾芥耳。問授法身記。何缺五地六地七地  
 人耶。答此非思議可知。惟如來能分別。惟補處能  
 領解。何必于此生疑問。聞持陀羅尼等。何與舊文  
 對位。又略不同答。無生忍等名字。並通偏圓權實。  
 本無一定。但須消釋令會圓理。今約義便作此分  
 配。若欲互融。何所不可。當知惟八生四生等的有

次序。餘皆約義配釋而已。二如來分別竟

(已)三瑞表圓益

佛說是諸善薩摩訶薩得大法利時。於虛空中雨曼  
 陀羅華。摩訶曼陀羅華。以散無量百千萬億寶樹下。  
 師子座上諸佛。并散七寶塔中。師子座上釋迦牟尼  
 佛。及久滅度多寶如來。亦散一切諸大菩薩及四部  
 衆。又雨細末栴檀沉水香等於虛空中。天鼓自鳴妙  
 聲深遠。又雨千種天衣。垂諸瓔珞真珠。瓔珞摩尼珠。  
 瓔珞如意珠。瓔珞偏於九方。衆寶香爐燒無價香自

然周至供養大會。一一佛上有諸菩薩執持幡蓋次第而上至于梵天。是諸菩薩以妙音聲歌無量頌讚歎諸佛。

此中亦有六瑞。一雨華瑞。二雨香瑞。表圓妙慧福自行德也。三天鼓瑞。四天衣瓔珞瑞。表圓妙教行化他德也。五燒香供養瑞。六幡蓋讚歎瑞。表圓妙自行化他同歸極果也。初虛空雨華者。虛空表平等法性。從此法性出生四十真位圓妙慧華也。前文既借分身表應釋迦表報多寶表法。今先散分

身諸佛。次及釋迦多寶意顯三身雖非一異。而出得見應身乃知報身修德及法身性德也。亦散一切菩薩四衆。卽表大會皆得圓因妙慧。皆成三身妙果無差別也。細末栴檀沉水諸福德香。亦從法性出生。亦以奉供三身。普及四衆。文影略耳。天鼓自鳴。是表圓音演深妙教。千種天衣。表寂滅忍衣。偏覆一切。垂諸瓔珞表戒定慧陀羅尼。四種瓔珞攝化衆生。令生喜悅也。摩尼此云如意。又言如意珠者。或是偶爾重文。華梵雙舉。或以四瓔珞字用

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

擬戒等四瓔珞也。徧於九方者。本從上方雨垂徧於八方及下地也。問何不如華嚴云。充滿十方耶。答。華嚴以十表無盡。此經以一表同歸。今云徧於九方。正表一佛界理。徧該九界。九界無非一佛界也。衆寶香爐燒無價香。自然周至供養大會者。卽表自行妙德總趣極果也。前旣雨華雨香用表福慧。今之燒香。卽以燒表慧。以香表福。供養大會三身諸佛。普及菩薩四衆。諸未來佛。故云趣極果也。言自然者。不由人力。亦從法性虛空而顯現也。有

諸菩薩者。亦是自然化現諸菩薩像。亦從法性虛空出生也。旛者轉義。卽表增道損生。蓋者覆義。卽表慈悲益物。次第而上。卽表從因至果。至于梵天者。梵是淨義。卽表究竟四德。妙音歌頌讚歎諸佛。卽表以佛道聲令一切聞。上旣以天鼓表化他之教。衣瓔珞表化他之行。今還用幡蓋表行。歌讚表教。二種化他妙德同趣極果也。圓益旣深。故現瑞以表之。華嚴佛頂諸經說大法竟。皆現奇瑞。此經何獨不然。二總授法身記竟。

(戊)三彌勒總申領解上述門中。菩薩亦悟而大事未畢。所以不陳。今本門既竟。故托補處以總申之。文分爲三。初頌時衆得解。二頌如來分別。三頌瑞表圓益。(己)今初

爾時彌勒菩薩從座而起。偏袒右肩。合掌向佛而說偈言。

一切菩薩分證法空名之爲座。今從座起表不住所證。展轉增進也。本實迹權向未發迹。如右肩被覆。今已開竟。故偏袒以表之。本迹雖殊。不思議一。

故合掌以表之。增道損生。速趣極果。故向佛以表之。

佛說希有法。昔所未曾聞。世尊有大力壽命不可量。無數諸佛子。聞世尊分別。說得法利者。歡喜充徧身。(己)二頌如來分別。

或住不退地。或得陀羅尼。或無礙樂說。萬億旋總持。不退地。即頌無生法忍。初住念不退位。餘可知。或有大千界微塵數菩薩。各各皆能轉不退之法輪。復有中千界微塵數菩薩。各各皆能轉清淨之法輪。

復有小千界微塵數菩薩。餘各八生在當得成佛道復有四三二。如此四天下。微塵諸菩薩隨數生成佛或一四天下。微塵數菩薩。餘有一生在當成一切智。如是等衆生聞佛壽長遠得無量無漏清淨之果報無量無漏揀異二乘之有量也。妙因所感故言清淨無障礙土故言果報。

復有八世界微塵數衆生聞佛說壽命皆發無上心二頌如來分別竟

(已)三頌瑞表圓益

世尊說無量不可思議法多有所饒益如虛空無邊雨天曼陀羅摩訶曼陀羅釋梵如恒沙無數佛土來雨旃檀沉水繢紛而亂墜如鳥飛空下供散於諸佛此頌雨華雨香二瑞總皆供散諸佛也長有釋梵二句以表機徧十方

天鼓虛空中自然出妙聲天衣千萬種旋轉而來下此頌天鼓天衣二瑞略不頌瓔珞而天衣長有萬字正顯所覆必多

衆寶妙香鑪燒無價之香自然悉周徧供養諸世尊。

其大菩薩衆執七寶幡蓋高妙萬億種次第至梵天  
一一諸佛前寶幢懸勝幡亦以千萬偈歌詠諸如來  
此頌幡蓋讚歎瑞也

如是種種事昔所未曾有聞佛壽無量一切皆歡喜  
佛名聞十方廣饒益衆生一切具善根以助無上心  
此結頌瑞表圓益不同循常瑞相故云昔所未曾有也  
一本門正說段竟

(丙)

三流通段此下共有十一品半經文盡屬流通  
今且逐近以三品半而爲本門流通者凡有兩  
意一者四信五品並以聞壽長遠而爲言端隨  
喜功德法師功德兩品祇是申明初品因果功  
德不輕一品祇是引證讚毀福罪當知此三品  
半正爲流通本門例如法師至安樂行五品正  
爲流通迹門也二者既以初品別序爲迹門序  
迹門自具三段故以此三品半而爲本門流通  
本門亦具三段本迹各三束爲正說乃以通序

五事而序兩門。囑累八品流通兩門。體格周正。眉目分明也。今就此三品半分爲三意。初一品半。明初品因功德以勸流通。二法師功德品。明初品果功德以勸流通。三不輕品引信毀福罪證勸流通。丁初中二。初明現在四信。二明滅後五品。戊初又四。初一念信解。二解其言趣。三聞持供養。四深信觀成。己初又二。初長文。二偈頌。庚初又三。初出相貌。二明功德。三明位行不退。辛今初十一品半。

爾時佛告彌勒菩薩摩訶薩。阿逸多。其有衆生。聞佛壽命長遠如是。乃至能生一念信解。

上已分別聞佛壽長得益。深廣未入住者。倍無生忍。已入住者。增道損生。位鄰極聖。未發心者。發無上心。入于十信。此皆夙種既深。現得熟脫。無生發心二位。並屬當機。增道損生。通于影響。發起當機三衆。故屬正說授記段也。今流通之始方約初結緣人。未登十信。或從此會略聞。或從現在諸菩薩等。展轉得聞。聞佛壽命長遠如是。然時旣甚促。聞

亦不多故云乃至能生一念信解。極言其時之暫而獲益之淺也。夫一念者卽現前一念介爾之心也。信解者信佛本地所證之理是法界妙理。此理非實非權而能實能權。自行真理名實化他種種方便名權。此理非本非迹而能本能迹。初證權實體用名本。證後所施體用權實名迹。又信解此理既是釋尊之所久證。亦是衆生之所久迷。亦是現前介爾一念之所同具。故曰如心佛亦爾。如佛衆生然心佛及衆生是三無差別。如是隨所聞處豁然開明隨語而入無有罣礙。信一切法皆是佛法。

卽權而實不思議真。又信佛法不隔一切法。卽實而權不思議俗不得

佛法不得一切法。雙遮而見一切法亦見佛法。

此二照

句是不思議中。卽一而三。隨舉一諦。雖分三諦。皆具三諦。卽三而一。祇是一心。亦是行於非道。通達佛道。九界非道。純是佛界妙法也。行於佛道。通達一切道。釋上佛法。不得佛道。一切道。釋雙遮而通達佛道。一切道。釋照無所有

而有。皆有。有而無所有。三諦皆無。非所有。非無所有。三諦皆無。非無。如門前路通達。一切東西南北。無有壅礙。

眼耳鼻舌身意凡有所對悉亦如是。無疑曰信明了曰解。是爲一念信解心也。無非圓妙三諦也。上約聞法信解。即是信行。若坐思惟隨所思惟豁然開悟。通達三諦亦復如是。更約思惟而生一念信解。即是法行。如是信解卽

十信初心未得六根清淨未入鐵輪正位也。

(辛)二明功德二。初總論無量。二格量顯多。

(壬)今

所得功德無有限量

(壬)二格量顯多又二。初舉五度爲格量本。二正格

初

信解功德甚多。

(癸)今初

若有善男子善女人爲阿耨多羅三藐三菩提故於八十萬億那由他劫行五波羅蜜。檀波羅蜜。尸羅波羅蜜。羼提波羅蜜。毗梨耶波羅蜜。禪波羅蜜。除般若波羅蜜。

波羅蜜。

般若卽是今之正慧故言除般若也。問。旣離般若則前五不應名波羅蜜。答。約別教人爲求無上菩提。各自於五而盡其邊。亦得名度。以別教十向後心名假邊際故也。問。別教亦有次第般若。還同所

校。何以除之。答。豎論空假般若。可爲所校。中證不殊。名等體等故須除也。

(癸)二正格信解功德甚多。以是<sup>五度</sup>功德比前<sup>一念信解</sup>功德百分千分百千萬億分不及其一。乃至算數譬喻所不能知。

(辛)三明位行不退。

若善男子善女人有如是功德。於阿耨多羅三藐三菩提退者無有是處。

別六心猶退。七心不退。今圓初心卽不退者。聞壽

量功德自外而資。圓順信解自內而熏。故不退也。

初長文竟

(庚)二偈頌三。初超頌功德。二頌位行不退。三追頌

文外相貌。(<辛)初又二。初超頌格量顯多。二追頌總

論無量。(<壬)初又二。初頌舉五度爲格量本。二

頌正格信解功德甚多。(<癸)今初具<sub>上</sub>數<sub>下</sub>制<sub>之</sub>地<sub>也</sub>

爾時世尊欲重宣此義而說偈言。上數<sub>下</sub>制<sub>之</sub>地<sub>也</sub>

若人求佛慧於八十萬億那由他劫數行五波羅密。於是諸劫中布施供養佛。及緣覺弟子。并諸菩薩衆。

參異之飲食上服與卧具。旃檀立精舍。以園林莊嚴。  
如是等布施種種皆微妙。盡此諸劫數。以迴向佛道。  
若復持禁戒。清淨無缺漏。求於無上道。諸佛之所歎。  
若復行忍辱住於調柔地。設衆惡來加。其心不傾動。  
諸有得法者。懷於增上慢。爲斯所輕惱。如是亦能忍。  
若復勤精進。志念常堅固。於無量億劫。一心不懈息。  
又於無數劫。住於空閑處。若坐若經行。除睡常攝心。  
以是因緣故。能生諸禪定。八十億萬劫。安住心不亂。  
持此一心福。願求無上道。我得一切智。盡諸禪定智。

是人於百千萬億劫數中。行此諸功德。如上之所說。  
卷二頌正格信解功德甚多

初初趨頌格量顯多竟

卷二追頌總論無量

若人悉無有一切諸疑悔。深心須臾信。其福爲如此。  
須臾卽一念也。初趨頌功德竟

卷二頌行位不退又二。初明不易信解。二明信解其本則必發願故得不退

卷二今初

其有諸菩薩無量劫行道聞我說壽命是則能信受  
其有諸菩薩者約鈍根菩薩言也行道經無量劫  
善根淳熟方能信受根若未熟佛不爲說設令聞  
之彼必疑惑故信解誠不易也今若利根初聞卽  
能一念信解便可等彼久行菩薩亦且超過彼矣  
王二明信解則必發願故得不退

如是之人等頂受此經典願我於未來長壽度衆生  
如今日世尊諸釋中之王道場師子吼說法無所畏  
我等未來世一切所尊敬坐於道場時說壽亦如是

如是之人等者雙指利鈍兩根言也聞而信解則  
必頂受發願所以決不退也問近成者無長可說  
何得皆言亦如是耶答言如是者謂說常壽若得  
常壽盡未來際必當過此何但如是今從實成已  
來故且舉爾許塵劫耳二頌行位不退竟

辛三追頌相貌

若有深心者清淨而質直多聞能總持隨義解佛語  
如是之人等於此無有疑

長文直明乃至能生一念信解便卽較顯功德今

正釋出相貌。以顯一念信解之難得也。若欲于此佛壽長遠而無有疑。不論久行始行。須有深心。又須清淨質直。又須多聞總持能隨義解。不隨文字。具此三法。方能一念信解。則一念信解談何容易。信解既不容易。所以功德不得不多也。淡心者上求下化之心。了知心佛衆生理元不二。依之而起無作四弘。故名深心。卽如來室也。清淨而質直者。不爲五住所汚。正念真如。卽如來衣也。多聞能總持隨義解。佛語者。隨有所聞。便能總一切法持一

切義。便能解了如來隨智隨情等語。故雖少聞多解。義亦名爲多聞。卽如來座也。有此觀行三法。乃能信解究竟三法。旣信究竟三法之理。乃于究竟位中所有本迹之事。亦無疑也。初一念信解竟。

(乙)三解其言趣

又阿逸多。若有聞佛壽命長遠。解其言趣。是人所得功德。無有限量。能起如來無上之慧。前但一念信解。如人飲水。冷暖自知。今解其言趣。便可略舉似人。故能起自他無上之慧也。

## (巳)三聞持供養

何況廣聞是經。若教人聞。若自持。若教人持。若自書。若教人書。若以華香瓔珞幢幡繒蓋香油蘇燈供養。經卷是人功德無量無邊。能生一切種智。

廣聞廣持。廣書廣修供養。自行化他功德外資令。內智疾入。故能生一切種智也。

(巳)四深信觀成。若善男子善女人。聞我說壽命長遠。深心信解。則爲見佛常在者。閻崛山共大菩薩諸聲聞衆圍。

達說法。又見此娑婆世界。其地珊瑚坦然平正。闇浮檀金以界八道寶樹行列。諸臺樓觀皆悉寶成。其菩薩衆咸處其中。若有能如是觀者。當知是爲深信解相。

見佛常在靈山共大菩薩諸聲聞衆說法者。方便有餘土相也。又見娑婆其地瑠璃乃至菩薩咸處其中者。實報莊嚴土相也。理具此相。今依理修觀。故觀成而相可見。又見此相雖未真證。以觀力故。暫見二土。若三惑分滅方永與相應也。有餘土中。

有聲聞者。藏通兩教。二乘已斷通惑。出生其中。仍本爲名。實報土中純諸菩薩。亦是他受用耳。但依此觀漸深。漸成入圓初住。則任運徧見。應用無方矣。問。稱理修觀。但觀一念妙理。卽足。何須約土。以明深信解相答。藏通初心。皆滅陰入。況能見土。別教初心。亦且破陰。後心乃見帝網之土。唯圓卽觀一念三千。三諦具足。是則一心一切心。一身一切身。一土一切土。一念俱觀。若身心土。若空假中。更無前後。故觀成時。一心見一切心。一身見一切身。

一土見一切土。十方諸佛身中現故。故於自心常寂光中徧見十方一切身土。若但觀心而不觀具何異。權乘若唯觀他遮那之土。必迷自境。若了心境。則自卽他故。他卽自故。觀土旣爾。身佛心然。故聞長壽。須了宗旨。所以本門聞壽。益倍餘經。良由所聞異常故也。初明現在四信竟。

(戊)二明滅後五品二。初列五品。粗格量後四品功德。二隨喜功德品廣格量初品功德。廣格量已。况出勝者。可以意得。佛不煩文。巧說若此也。

法華會第十三

三世

(巳) 初中二。初長文二偈頌

(庚) 長文爲五。初直

起隨喜心。二加受持讀誦。三加教人。四加兼行六度。五加正行六度。

(辛) 今初

又復如來滅後。若聞是經而不毀訾。起隨喜心。當知已爲深信解相。

初品標人而已。格量在後品說。

(辛) 二加受持讀誦二。初標人相。二格量功德

(丁) 今初

何況讀誦受持之者。

(壬) 二格量功德

斯人則爲頂戴如來。阿逸多。是善男子。善女人。不須爲我復起塔寺及作僧坊。以四事供養衆僧。所以者何。是善男子。善女人。受持讀誦是經典者。爲已起塔造立僧坊。供養衆僧。則爲以佛舍利起七寶塔。高廣漸小。至於梵天懸諸幡蓋。及衆寶鈴。華香。瓔珞。末香。塗香。燒香。衆鼓伎樂。簫笛笙簧。種種舞戲。以妙音聲。歌唄讚頌。則爲於無量千萬億劫。作是供養已。不須爲我復起塔寺等者。初心恐被事緣紛動妨。

修正業故也。則爲以佛舍利等者。指此經文所詮之理。即是法身全身舍利能詮之文。不異七寶高廣妙塔。能所和合不二。亦是第一義僧。故直專持此經。卽爲廣大供養。廢事從理。所益弘多。若至後心理觀既熟。則涉外不妨內觀事資於道。如油多火猛。順流揚帆。又加櫓棹。其勢轉疾也。問。若持經卽是起塔。乃至卽是第一義僧。不須起塔供僧者。則持經亦卽第一義戒。不須復持戒耶。答。持經卽順理戒住。運不犯性罪。亦自任運持得。初篇二篇。

所謂乘急戒緩。非全無戒也。若至兼行六度。則五篇七聚性業。遮業悉皆清淨。是乘戒俱急也。又凡修圓觀者。理須自思。若初心念念常在四種三昧。容於二篇之外。所有遮罪。或可少違。若未專於四種三昧。則五篇七聚菩薩重輕。不可微犯。方合一期教門大旨。何以故。出家菩薩。具足堅持毘尼。聚大乘戒意。一切皆然。况僅護篇聚於彼梵網。入萬律儀。猶未足爲持相。但因此土器劣。且以小檢助成大儀。仍須備曉。閑遮輕重。制緣漸頓。捨義有

無坐次分流懺法天隔復有七衆同否大小共別  
方於自行量已品位去取適時勿慕大節而昧存  
亡勿據小文而迷觀道若得今意先以理教定次  
以行位驗倘不爾者鳥鼠人也安論品位乎敬請  
受佛遺言少分恭稟

(辛)三加教人二初標人相二格量功德  
(壬)今初  
阿逸多若我滅後聞是經典有能受持若自書若教  
人書

主二格量功德

則爲起立僧坊以赤栴檀作諸殿堂三十有二高八  
多羅樹高廣嚴好百千比丘於其中止園林浴池經  
行禪窟衣服飲食牀褥湯藥一切樂具充滿其中如  
是僧坊堂閣若干百千萬億其數無量以此現前供  
養於我及比丘僧是故我說如來滅後若有受持讀  
誦爲他人說若自書若教人書供養經卷不須復起  
塔寺及造僧房供養衆僧

前但自己讀誦受持便爲具足供養三寶况今轉  
以教人則法施功德寧非供養中最耶

法華會義

三

辛四加兼行六度二初標人相二格量功德

(王)

今初

况復有人能持是經。兼行布施持戒忍辱精進一心智慧。

圓觀漸深。涉事不妨正行。故以事助理。名兼行也。  
 壬二格量功德。其德最勝。無量無邊。譬如虛空。東西南北四維。上下無量無邊。是人功德亦復如是。無量無邊。疾至一切種智。

辛五加正行六度二初標人相二格量功德

(王)

今初

若人讀誦受持是經爲他人說。若自書。若教人書。復能起塔及造僧房。供養讚歎聲聞衆僧。亦以百千萬億讚歎之法讚歎菩薩功德。又爲他人種種因緣隨義解說此法。華經財法。復能清淨持戒與柔和者而共同止。如法持戒。統理大衆。忍辱無瞋。志念堅固。忍常貴坐禪得諸深定。禪精進勇猛。攝諸善法。進利根智慧善答問難。般若。

安樂行中不親近求聲聞人亦不說過亦不讚美今云供養讚歎聲聞衆僧何耶始心觀淺恐染小習故誠勿親近今觀深力大故供養讚歎于彼卽能化彼令趣大乘又復彌助權實不二妙觀也文中先禪後進義無先後

王二格量功德

阿逸多若我滅後諸善男子善女人受持讀誦是經典者復有如是諸善功德當知是人已趣道場近阿耨多羅三藐三菩提坐道樹下阿逸多是善男子善

女人若坐若立若行處此中便應起塔一切天人皆應供養如佛之塔

已趣道場坐道樹下者位在鐵輪不久得入銅輪能八相作佛也坐立行處便應起塔皆應供養如佛塔者初依人號如來也結此五品初三是聞慧第四是思慧第五是修慧都是十信前耳或云初隨喜品卽是入信心位分一品爲兩心五品卽十信心是鐵輪六根清淨位也今謂兩釋理須並存若圓教利根一念隨喜初垢先落乃至正行塵沙

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

亦盡。卽相似如來鐵輪位也。若解雖圓頓。事障未除。僅能圓伏五住。通惑種子。尚存。卽觀行如來。具縛凡夫。能知如來秘密之藏也。若以五品對前四信。則初二品。卽一念信解。第三品。卽解其言趣。第四品。卽聞持供養。第五品。卽深信觀成。其義既齊。四五無別。但是滅後加讀誦。位爲第二品耳。初長文竟。

(庚)二偈頌四初頌第二品至四頌第五品辛今初爾時世尊。欲重宣此義。而說偈言。

若我滅度後。能奉持此經。斯人福無量。如上之所說。是則爲具足。一切諸供養。以舍利起塔。七寶而莊嚴。表刹甚高廣。漸小至梵天。寶鈴千萬億。風動出妙音。又於無量劫。而供養此塔。華香諸瓔珞。天衣衆伎樂。然香油蘇燈。周布常照明。惡世法末時。能持是經者。則爲已如上具足諸供養。

(辛)二頌第三品

若能持此經。則如佛現在。以牛頭栴檀。起僧房供養。堂有三十二高八多羅樹。上饌妙衣服。牀卧皆具足。

百千衆住處園林諸浴池經行及禪窟種種皆嚴好

辛三頌第四品

若有信解心受持讀誦者。若復教人書及供養經卷。散華香末香以須曼薺葛阿提目多伽。熏油常然之。如是供養者得無量功德。如虛空無邊其福亦如是。長行但云兼行布施等。今頌供養經卷卽兼行之意也。須曼華此云善攝意華。薺葛華此云黃華。阿提目多伽華此云龍舐華。又云善思夷華。

辛四頌第五品

况復持此經兼布施持戒忍辱樂禪定不瞋不惡口恭敬於塔廟謙下諸比丘遠離自高心常思惟智慧有問難不瞋隨問爲解說。若能行是行功德不可量。若見此法師成就如是德應以天華散天衣覆其身頭面接足禮生心如佛想。又應作是念不久詣道樹得無漏無爲廣利諸人天其所住止處經行若坐卧乃至說一偈是中應起塔莊嚴令妙好種種以供養。佛子住此地則是佛受用常在於其中經行及坐卧

初列五品粗格量後四品功德竟

妙法蓮華經台宗會義卷五之三

卷六之一

釋分別功德品竟。次釋隨喜功德品

隨喜功德品第十八

隨者聞深奧法。隨順事理無二無別。喜者慶已慶人。理者現前一念心之本性。即是法界實相之體。非本非迹。名爲理本。非實非權。名爲實理。事者。如來久遠。證此妙理。故名爲本。從本徧垂三世十方種種應化。故名爲迹。本是自行契理之修德。迹是

果後利他之妙用。本迹二事同依一理。故云本迹雖殊。不思議一。直詮如此圓妙事理。名之爲實。種種方便。引導衆生。名之爲權。非實則權。無所依。非權則實。無由顯。呼此實理。實事爲理。呼彼權理。權事爲事。事理雖殊。心外無法。亦是不思議一。今順理者聞佛本地。久遠久遠。證于妙理。信順不逆。無一毫疑滯。順事者聞佛三世益物。橫豎該亘。徧一切處。亦無一毫疑滯。卽廣事而達深理。卽深理而達廣事。不二而二。故言事理。不別而別。故言本迹。

本迹皆雖二雖別無二無別。理具三千事居一念故雖二無二。本時事理中事理不思議一故雖別無別。如此信解名之爲隨。如來證此現前一念之實相故本迹權實不可思議。我及衆生同此心性。佛既若此。我及衆生亦當得之。故慶已慶人名之爲喜。又本迹權實雖復性具。如來出世四十餘年未顯真實。七方便人不聞誠諦。慶我及人以凡夫心等佛所知用所生眼同如來見。如此知見究竟法界深廣無涯底無等無等等。故名隨喜以順理故有實功德以順事故有權功。

德以慶已故有智慧自行功德以慶人故有慈悲化他功德權實自他合而說之故言隨喜功德品此世界意也。事理本迹自他今昔相望故爲世界第五十人是初品之初初但有一念妙解。但有一念慶已慶他未有圓行恩未及人所獲功德不可得比。况復最初於會聞者况復讀誦講說兼行正行。况復十信十住十行乃至等妙誰聞如是深妙功德而不景慕。如來說此令物尚之故言隨喜功德品此爲人意也。上來稱美持經功德時衆咸謂入真因位乃致斯

德於彼初心之初起輕弱想。忽聞好堅處地。芽已百圍。頻伽在穀聲勝衆鳥。希有奇特。輕想釋然。故名隨喜功德品。此對治意也。外道得五通者能移山竭海。而不能伏見愛不及援法人。二乘無學子果俱脫猶被涅槃縛。不知其因果俱權。通教人修因雖巧。發心不識五百由旬得果止除四住通惑。別人雖勝二乘修因則偏其門又拙。非佛所讚。皆不及初隨喜人。佛今舉觀行初心以况極果。都勝諸教。故言隨喜功德品。此卽約教以顯第一義也。

(巳)二廣格量初品功德二初問二答

(庚)今初

爾時彌勒菩薩摩訶薩白佛言。世尊。若有善男子。善女人。聞是法華經隨喜者。得幾所福。而說偈言。世尊滅度後。其有聞是經。若能隨喜者。爲得幾所福。前品已格後四功德。不說初品。故彌勒承機問出也。

(庚)佛答爲二。初長文。二偈頌

(辛)長文爲二。初答

内心隨喜人功德。二直明外聽法人功德

初中五。初約展轉相教。舉最後人以顯初心之

初二格量本三問四答五正格量 癸今初

爾時佛告彌勒菩薩摩訶薩。阿逸多。如來滅後。若比丘比丘尼。優婆塞優婆夷。及餘智者。若長若幼。餘智未受四衆戒律。不得名爲比丘優婆塞等。而宿有大乘智種。聞能信解。便可隨力演說。不論年長年幼也。聞是經隨喜已。從法會出。至於餘處。若在僧坊。若空閑地。若城邑巷陌。聚落田里。如其所聞。文義爲父母宗親善友知識。隨力演說。是諸人等聞已。隨喜復行轉教。餘人聞已。亦隨喜轉教。如是展轉至第五十。阿逸多。其第五十善男子。善女人。隨喜功德。我今說之。

汝當善聽

法華經疏卷第十五 大般涅槃經卷第十五

展轉至第五十。意顯後後漸劣于前前也。何者。四依弘法。必具辯才。聞而隨喜法味必厚。逮彼聞者。從法會出。隨力演說。雖云如其所聞。理決不謬。而辯說莊嚴。未必遂能與法師同。况能過之。如是展轉第二第三。或十二十。已漸不如。况至第五十人。豈不更劣。又前之四十九人。皆有轉教功德。今第五十。但論一念隨喜。不論更復轉教。當知正是初品之初初。今約此初初一念隨喜而明功德。則後

後不言可知。言展轉至五十者。但欲顯於法味漸薄功德漸劣不必約表法釋。

(卷)二格量本

若四百萬億阿僧祇世界六趣四生衆生。卵生胎生濕生化生。若有形無形。有想無想。非有想非無想。無足二足。四足多足。如是等在衆生數者。有人求福。隨其所欲娛樂之具。皆給與之。一一衆生與滿闍浮提。金銀瑠璃碑礎碼瑙珊瑚琥珀諸妙珍寶。及象馬車乘。七寶所成宮殿樓閣等。是大施主。如是布施滿八

十年已。而作是念。我已施衆生娛樂之具。隨意所欲。然此衆生皆已衰老。年過八十。髮白面皺。將死不久。我當以佛法而訓導之。卽集此衆生宣布法化示教利喜。一時皆得須陀洹道。斯陀含道。阿那含道。阿羅漢道。盡諸有漏。於涅槃定皆得自在。具八解脫。

六趣天人阿修羅地獄鬼畜生也。受生之法不出四種。在穀曰卵。處腹曰胎。煖氣曰濕。變易曰化。天但化生。人具四生。而多胎生。修羅四生。地獄化生鬼畜具四有形。謂欲色二界無形。謂無色界。有想

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

謂空處識處。無想謂無所有處。非有想非無想。卽非想非非想處也。

(癸)三問

於汝意云何是大施主所得功德。寧爲多不

(癸)四答

彌勒白佛言。世尊。是人功德甚多。無量無邊。若是施主。但施衆生一切樂具。功德無量。何況令得阿羅漢果。

(癸)五正格量

佛告彌勒。我今分明語汝。是人以一切樂具。施於四百萬億阿僧祇世界六趣衆生。又令得呵羅漢果。所  
得功德不如是第五十人聞法華經一偈隨喜功德。  
百分千分百千萬億分不及其一。乃至算數譬喻所  
不能知。阿逸多。如是第五十人。展轉聞法華經隨喜  
功德尚無量無邊阿僧祇。何況最初於會中聞而隨  
喜者。其福復勝無量無邊阿僧祇。不可得比。

夫受施之人。滿四百萬億阿僧祇界。不爲不多矣。  
先與世樂滿八十年後與法樂證四聖果。不爲不

大矣而不及初初一念圓隨喜者充此一念必當盡虛空界盡未來時普度一切皆令成佛最後功德不離最初一念故也又約大論較量之意以釋此旨滿闍浮提人福不及西瞿耶尼一人福滿西洲人福不如東弗婆提一人福滿三洲人福不及北鬱單越一人福滿四洲人福不及一四天王。四天王不及一釋乃至第六天不及一梵福。又初禪不及二禪。二禪不及三禪。三禪不及四禪。乃至無所有處不及非非想處。非非想處三界極尊不及

須陀洹福。須陀洹不及二果。二果不及三果。三果不及四果。四果不及辟支藏教。二乘不及通教體法二乘。體法二乘不及出假菩薩。通教菩薩。不及別教初心。以聞中故別教十回向後心不及圓教隨喜初心。以圓聞故知華嚴較量發心功德猶未爲奇。此經較量隨喜功德最爲難信。然一念隨喜便具十乘。若解十乘則功德有據。請略明之。隨者順事順理。事理卽不思議境也。喜者慶已慶人。卽菩提心也。一念隨喜。不散卽止。不辱卽觀是善。

巧安心也。順理圓伏無明見思順事圓伏塵沙無知是破法徧也。了達權實不二是識通塞也。祇于一念心中信解不可思議佛法。卽圓念處法爾具足七科道品是調適也。旣隨喜已憫已傷他必修五悔是助開也。旣能信順事理本迹決不以凡妄擬上聖是知次位也。順事順理強軟諸魔所不能動是能安忍也。實心繫實境實緣次第生。實實迭相注。是離法愛也。如此功德豈世間財施小果法施所能及哉。如此圓觀豈次第修中者所能及哉。

初答內心隨喜人功德竟

(壬)二直明外聽法人功德四。初自往。二分座。三勸他。四具聽修行。(癸)今初

又阿逸多若人爲是經故。往詣僧坊。若坐。若立。須臾聽受。緣是功德。轉身所生得好上妙象馬車乘珍寶輦輿。及乘天宮。

(癸)二分座

若復有人於講法處坐。更有人來勸令坐聽。若分座令坐。是人功德轉身得帝釋坐處。若梵王坐處。若轉

輪聖王所坐之處

(卷)三勸他

阿逸多。若復有人語餘人言。有經名法華可共往聽。卽受其教。乃至須臾間聞。是人功德轉身得與陀羅尼菩薩共生一處。一利根<sup>二</sup>智慧<sup>三</sup>。百千萬世終不瘡瘍。<sup>四</sup>口氣不臭。<sup>五</sup>舌常無病。<sup>六</sup>口亦無病。<sup>七</sup>齒不垢黑。<sup>八</sup>不黃。<sup>九</sup>不疎。<sup>十</sup>亦不缺落。<sup>十一</sup>不差。<sup>十二</sup>不曲。<sup>十三</sup>唇不下垂。<sup>十四</sup>亦不褰縮。<sup>十五</sup>不粗澁。<sup>十六</sup>不瘡胗。<sup>十七</sup>口瘡也。亦不缺壞。<sup>十八</sup>亦不凸斜。<sup>十九</sup>亦不凹厚。<sup>二十</sup>不厚。<sup>廿一</sup>不大。<sup>廿二</sup>亦不

黧黑。<sup>廿三</sup>無諸可惡。<sup>廿四</sup>鼻不匾匱。<sup>廿五</sup>亦不曲戾。<sup>廿六</sup>面色不黑。<sup>廿七</sup>亦不陷長。<sup>廿八</sup>亦不窳曲。<sup>廿九</sup>無有一切不可喜相。<sup>三十</sup>唇舌牙齒悉皆嚴好。<sup>三十一</sup>鼻脩高直。<sup>三十二</sup>面貌圓滿。<sup>三十三</sup>眉高而長。<sup>三十四</sup>額廣平正。<sup>三十五</sup>人相具足。<sup>三十六</sup>世世所生見佛。<sup>三十七</sup>聞法信受教誨。<sup>三十八</sup>

此文亦有六根功德。利根是六根皆利。智慧是意功德。不瘡瘍是舌功德。脩高直是鼻功德。見佛是眼功德。聞法是耳功德。餘是身功德。後明六根清

淨是相似位功德。今是相似位前功德耳。然此五十功德或具足或不具足或隨得一二。隨其功力不可一等也。又隨喜是觀行位。今明自往分座勸他三種。未談理觀是名字位。名字功德尚已如此。况觀行耶。況相似分證及究竟耶。

癸四具聽修行

阿逸多汝且觀是勸於一人令往聽法功德如此。何況一心聽說讀誦而於大眾爲人分別如說修行。

初長文竟

辛二偈頌二初頌內心隨喜功德二頌外聽法人功德

壬今初

爾時世尊欲重宣此義而說偈言

若人於法會得聞是經典乃至於一偈隨喜爲他說如是展轉教至於第五十最後人獲福今當分別之如有大施主供給無量衆具滿八十歲隨意之所欲見彼衰老相髮白而面皺齒疏形枯竭念其死不久我今應當教令得於道果卽爲方便說涅槃真實法世皆不牢固如水沫泡僞汝等咸應當疾生厭離心

諸人聞是法皆得阿羅漢。具足六神通。三明八解脫。  
最後第五十聞一偈隨喜。是人福勝彼不可爲譬喻。  
如是展轉聞其福尚無量。何況於法會初聞隨喜者。

(壬)二頌外聽法人功德四初超頌勸他二頌自往

三頌分座四頌具聽修行 (癸)今初

若有勸一人將引聽法華。言此經深妙千萬劫難遇。  
卽受教往聽乃至須臾聞斯人之福報。今當分別說。  
世世無口患齒不疎黃黑唇不厚褰缺無有可惡相。  
舌不乾黑短鼻高脩且直額廣而平正面目悉端嚴。

爲人所喜見。口氣無臭穢優鉢華之香常從其口出。

(癸)二頌自往

若故詣僧坊欲聽法華經須臾聞歡喜今當說其福。  
後生天人中得妙象馬車珍寶之輦輿及乘天宮殿。

(癸)三頌分座

若於講法處勸人坐聽經是福因緣得釋梵轉輪座。

(癸)四頌具聽修行

何況一心聽解說其義趣如說而修行其福不可限。

初明初品因功德以勸流通竟

妙法蓮華經台宗會義卷六之一

法華會義

祖堂弟子海賢發心捐貲助刻惟願以此勝  
因臨命終時往生極樂世界覩見

彌陀親蒙授記

妙法蓮華經台宗會義卷六之二

古吳後學蕡益智旭述

釋隨喜功德品竟次釋法師功德品

法師功德品第十九

法師者受持讀誦等五種法師如上法師品廣釋此五種行始從名字通於分證皆得爲之隨一種行皆由五品而淨六根但五品約觀五種約事是故此中讀誦非必卽指第二品人此中解說非必卽指第三品人前隨喜品已明初品初心功德今

則泛約於五事中隨行一事皆得淨於六根。既云當得卽是舉果以勸。乃五種法師所獲之功德也。然欲淨六根須修十乘觀法。或以讀而修十觀。或以誦而修十觀。或以解說而修十觀。或以書寫而修十觀。上根觀境便淨六根。中根從二至六得淨六根。下根具用十法方淨六根而階分證。五根清淨名外莊嚴意根清淨名內莊嚴。又從地獄乃至諸佛一切色像悉身中現。名內莊嚴以普現色身三昧現十界像化度一切名外莊嚴。身根旣爾餘

五根亦然受持旣爾餘四事亦然隨喜品旣爾餘四品倍然相似旣爾分真倍然故言法師功德品此世界意也行者聞說此功德利喜不自勝勤求無厭信進倍增故言法師功德品此爲人意也聞此說已深識大乘有大勢力決無疑網故言法師功德品此對治意也以似解之初初過二乘之極極百千萬倍指始顯終懸解第一義諦不可思議故言法師功德品此入理意也

(丁)二明初品果功德以勸流通二初總列數二別

解釋 ⑤今初

爾時佛告常精進菩薩摩訶薩。若善男子善女人受持是法。準經。若讀。若誦。若解說。若書寫。是人當得八百眼功德。千二百耳功德。八百鼻功德。千二百舌功德。八百身功德。千二百意功德。以是功德。莊嚴六根。皆令清淨。

五品觀行。豎約一人。五種法師。橫約五人。然隨一觀。亦能圓淨六根。則豎而非豎。隨一一人。亦可兼行五事。則橫而非橫。今借非橫之橫。以對非豎。

之豎。信納名受。任荷名持。受卽是隨。持卽是喜。故以受持擬隨喜品。讀之與誦。還用擬第二品。解說擬第三品。書寫供養。堪擬第四第五兩品。由其一品中必與十乘觀法相應。是故當得六根清淨之果報也。八百千二等者。但依大佛頂經釋相則。性德修得。二義俱成。良由現前一念心性。本自豎窮橫徧。由豎窮故。幻現三世。由橫徧故。幻現四方。約世則世。世有方。三四亦是十二。約方則方。方有世。四三亦是十二。故云三四四三宛轉十二也。隨

其一方一世必有十界。便是二百二十。隨一一界必有十如。便是二千二百。故云流變三疊。一十百千也。本唯一心。一變而爲三四四三之十二。二疊而爲十界之百二十。三疊而爲十如之千二百。約十方三世一切十界。亦唯有此千二百數足。以盡之。約一一衆生。亦各具此千二百數。無餘無欠。約一衆生。既全具此千二百數。約一一根。亦全具此千二百數。此是不可思議法性。全真成妄。全妄卽真。在聖不增。在凡不減。在六根而不多。在一根而不少。故名爲性德也。衆生迷此性德。而爲逆境。偏對一切根。根根塵塵圓顯法界。此偏約開悟言也。今上順開悟。故云功德莊嚴清淨。下順迷情。

修致使六根之用。有多有少。眼則明前不明後。四維虧一半。故唯八百。耳則周聽十方。故千二百。鼻則出息取氣入息知香。兩交之際無勝力用。故唯八百。舌則宣揚無盡。故千二百。身則合知違順。離時不知。故唯八百。意則默容世出世。法盡其涯際。故千二百。此偏約迷情言也。圓人依此性德而起。順修則六根互用。無復勝劣。一根偏照一切境。一境偏對一切根。根根塵塵圓顯法界。此偏約開悟言也。今上順開悟。故云功德莊嚴清淨。下順迷情。

故仍八百千二不同。文云。雖未得天眼。卽是下順迷情。又云。肉眼力如是。卽是上順開悟。一根旣爾。餘悉可知。

(戊)二別解釋卽爲六。初眼根至六意根至六意根。(己)今初是善男子善女人。父母所生清淨肉眼見於三千大千世界內外所有山林河海下至阿鼻地獄。上至有頂亦見其中一切衆生及業因緣果報生處。悉見悉知。尔時世尊欲重宣此義而說偈言。

若於大衆中以無所畏心說是法華經汝聽其功德。

是人得八百功德殊勝眼。以是莊嚴故。其目甚清淨。父母所生眼悉見三千界。內外彌樓山須彌及鐵圍。并餘諸山林大海江河水。下至阿鼻獄。上至有頂處。其中諸衆生。一切皆悉見。雖未得天眼。肉眼力如是。夫次第五眼。則肉眼見顯對色。天眼見障外色。慧眼觀空。法眼觀俗。佛眼觀中。就天眼中。上能見下。下不見上。梵王報得天眼。徧見自所統界。而不能傍見他界。二乘天眼能見大千。而作意則見。不作意則不見。又目犍連以八千三昧能見八千世界。

舍利弗以一萬三昧能見一萬世界等。並由入定方見出定則不見。今明父母所生肉眼見於大千內外上下。並非他教所詮。當知即是圓融肉眼。一眼一切眼。祇于肉眼而具五眼之用。見大千卽天眼。用見業因緣果報。卽法眼。用清淨故無見思惑。卽慧眼。用清淨故伏無明惑。卽佛眼。用大經云。雖是肉眼。名爲佛眼。卽佛眼故。名爲清淨。具五眼故。名爲莊嚴。卽是相似佛眼。亦是相似佛五眼也。猶是分段之身。故名父母所生肉眼。故順迷情而言。

八百已證相似之解。故似如來稱性五眼。故順開悟而言功德。又華下文亦應具見佛及菩薩聲聞衆等。亦應具見聲香味觸及與法等。既得相似圓融五眼。必得相似六根互用。但是文略也。偈中初三句。具顯三軌。若於大衆中。是如來室。以無所畏心。是如來衣。說是法華經。是如來座。三軌弘經。半乘具足。故得六根清淨。豈徒然哉。彌樓此云光。卽七金山之一也。

## (巳)二耳根

復次常精進。若善男子善女人受持此經。若讀若誦。若解說。若書寫。得千二百耳功德。以是清淨耳聞三千大千世界。下至阿鼻地獄。上至有頂。其中內外種種語言音聲。象聲。馬聲。牛聲。車聲。啼哭聲。愁歎聲。螺聲。鼓聲。鐘聲。鈴聲。笑聲。語聲。男聲。女聲。童子聲。童女聲。法聲非法聲。苦聲。樂聲。凡夫聲。聖人聲。喜聲。不喜聲。天聲。龍聲。夜叉聲。乾闥婆聲。阿修羅聲。迦樓羅聲。緊那羅聲。摩訶羅伽聲。火聲。水聲。風聲。地獄聲。畜生聲。餓鬼聲。比丘聲。比丘尼聲。聲聞聲。辟支佛聲。菩薩聲。佛聲。以要言之。三千大千世界中一切內外所有諸聲。雖未得天耳。以父母所生清淨平常肉耳皆悉聞知。如是分別種種音聲。而不壞耳根。爾時世尊。欲重宣此義。而說偈言。

父母所生耳。清淨無濁穢。以此常耳聞。三千世界聲。象馬車牛聲。鐘鈴螺鼓聲。琴瑟箜篌聲。簫笛之音聲。清淨好歌聲。聽之而不著。無數種人聲聞。悉能解了。又聞諸天聲微妙之歌音。及聞男女聲。童子童女聲。山川險谷中。迦陵頻伽聲。命命等諸鳥。悉聞其音聲。

地獄衆苦痛種種楚毒聲。餓鬼饑渴逼求索飲食聲。  
 諸阿修羅等居在大海邊。自共言語時出於大音聲。  
 如是說法者安住於此間。遙聞是衆聲而不壞耳根。  
 十方世界中。禽獸鳴相呼。其說法之人於此悉聞之。  
 其諸梵天上。光音及徧淨乃至有頂天。言語之音聲。  
 法師住於此悉皆得聞之。一切比丘衆及諸比丘尼。  
 若讀誦經典。若爲他人說法師住於此悉皆得聞之。  
 復有諸菩薩讀誦於經法。若爲他人說撰集解其義。  
 如是諸音聲悉皆得聞之。諸佛大聖尊教化衆生者。

於諸大會中。演說微妙法。持此法華者。悉皆得聞之。  
 三千大千界內外諸音聲。下至阿鼻獄。上至有頂天。  
 皆聞其音聲而不壞耳根。其耳聰利故悉能分別知。  
 持是法華者雖未得天耳。但用所生耳功德已如是。  
 徒聞大千內外十法界聲。聞六道節肉天二耳。聞  
 二乘卽慧耳。聞菩薩卽法耳。聞佛卽佛耳。又父母  
 所生卽肉耳。能聞內外卽天耳。聽之而不著卽慧  
 耳。悉能分別知。卽法耳。一時互聞不可思議。卽佛  
 耳也。

## (巳)三鼻根

法華會第十四

復次常精進。若善男子。善女人。受持是經。若讀若誦。若解說。若書寫。成就八百鼻功德。以是清淨鼻根。聞於三千大千世界上下內外種種諸香。須曼那華香。闍提華香。末利華香。薺葛華香。波羅羅華香。赤蓮華香。青蓮華香。白蓮華香。華樹香。果樹香。旃檀香。沉水香。多摩羅跋香。多伽羅香。及千萬種和香。若末。若丸。若塗香。持是經者。於此間住。悉能分別。又復別知衆生之香。象香。馬香。牛羊等香。男香。女香。童子香。童女。

香。及草木叢林香。若近若遠。所有諸香。悉皆得聞。分別不錯。持是經者。雖住於此。亦聞天上諸天之香。波利質多羅。拘鞞陀羅樹香。及曼陀羅華香。摩訶曼陀羅華香。曼殊沙華香。摩訶曼殊沙華香。旃檀。沉水。種末香。諸雜華香。如是等天香。和合所出之香。無不聞知。又聞諸天身香。釋提桓因在勝殿上。五欲娛樂嬉戲時香。若在妙法堂上。爲忉利諸天說法時香。於是展轉乃至梵世。上至有頂諸天身香。亦皆聞之。并

聞諸天所燒之香。及聲聞香。辟支佛香。菩薩香。諸佛身香。亦皆遙聞。知其所在。雖聞此香。然於鼻根不壞。不錯。若欲分別爲他人說。憶念不謬。爾時世尊。欲重宣此義。而說偈言。

是人鼻清淨。於此世界中。若香若臭物。種種悉聞知。須曼那闍提多摩羅栴檀。沉水及桂香。種種華果香。及諸衆生香。男子女人香。說法者遠住。聞香知所在。大勢轉輪王。小轉輪及子。羣臣諸宮人。聞香知所在。身所著珍寶。及地中寶藏。轉輪王寶女。聞香知所在。

諸人嚴身具。衣服及瓔珞。種種所塗香。聞香知其身。諸天若行坐遊戲及神變。持是法華者。聞香悉能知。諸樹華果實。及酥油香氣。持經者住此。悉知其所在。諸山溪險處。栴檀樹華敷。衆生在中者。聞香悉能知。鐵圍山大海地中。諸衆生持經者。聞香悉知其所在。阿修羅男女。及其諸眷屬。鬪諍遊戲時。聞香皆能知。曠野險隘處。師子象虎狼。野牛水牛等。聞香知所在。若有懷姪者。未辨其男女。無根及非人。聞香悉能知。以聞香力故。知其初懷姪。成就不成就。安樂產福子。

以聞香力故。知男女所念染欲癡恚心。亦知修善者。地中衆伏藏。金銀諸珍寶。銅器之所盛。聞香悉能知。種種諸瓔珞。無能識其價。聞香知貴賤。出處及所在。天上諸華等。曼陀曼殊沙。波利質多樹。聞香悉能知。天上諸宮殿。上中下差別。衆寶華莊嚴。聞香悉能知。天園林勝殿諸觀妙法堂。在中而娛樂。聞香悉能知。諸天若聽法。或受五欲時。來往行坐卧。聞香悉能知。天女所著衣。好華香莊嚴。周旋遊戲時。聞香悉能知。如是展轉上。乃至於梵世。入禪出禪者。聞香悉能知。

光音徧淨天。乃至于有頂。初生及退沒。聞香悉能知。諸比丘衆等。於法常精進。若坐若經行。及讀誦經典。或在林樹下。專精而坐禪。持經者聞香。悉知其所在。菩薩志堅固。坐禪若讀誦。或爲人說法。聞香悉能知。在在方世尊。一切所恭敬。愍衆而說法。聞香悉能知。衆生在佛前。聞經皆歡喜。如法而修行。聞香悉能知。雖未得菩薩無漏法。生鼻。而是持經者先得此鼻相。父母所生。卽肉鼻。大千內外。卽天鼻。不染不著。卽慧鼻。分別不謬。卽法鼻。一時互用。卽佛鼻。此章明。

互用最爲顯著。委悉知好惡。別貴賤。辨天宮莊嚴等。卽鼻有眼用。讀經說法。聞香能知。卽鼻有耳用。諸樹華果實及酥油香氣。卽鼻有舌用。入禪出禪。禪有八觸。五欲嬉戲。亦是觸塵。卽鼻有身用。染欲癡恚心。亦知修善者。卽鼻有意用。夫約迷情執見。則惟鼻用最劣。故小乘六通。但約眼耳身意不明。鼻舌二通。然舌能說法。猶爲稍勝。鼻惟通息。更無他能。今偏于此章廣明勝用者。正顯圓通妙性。實無優劣。姑順迷情。且云八百相似佛鼻。千二宛然。

(巳) 四舌根

復次常精進。若善男子善女人受持是經。若讀。若誦。若解說。若書寫得千二百舌功德。若好若醜。若美不美。及諸苦澁物。在其舌根皆變成上味。如天甘露。無不美者。若以舌根於大衆中有所演說。出微妙聲。能入其心。皆令歡喜快樂。又諸天子天女釋梵諸天。聞是微妙音聲。有所演說。言論次第。皆悉來聽。及諸龍。龍女。夜叉。夜叉女。乾闥婆。乾闥婆女。阿修羅。阿修羅女。迦樓羅。迦樓羅女。緊那羅。緊那羅女。摩睺羅伽。摩

曇羅伽女爲聽法故。皆來親近恭敬供養。及比丘比丘尼優婆塞優婆夷國王王子羣臣眷屬小轉輪王大轉輪王七寶千子內外眷屬乘其宮殿俱來聽法以是菩薩善說法故婆羅門居士國內人民盡其形壽隨侍供養。又諸聲聞辟支佛菩薩諸佛常樂見之是人所在方面諸佛皆向其處說法悉能受持一切佛法又能出於深妙法音爾時世尊欲重宣此義而說偈言

是人舌根淨終不受惡味。其有所食歟悉皆成甘露。

以深淨妙聲於大眾說法以諸因緣喻引導衆生心聞者皆歡喜設諸上供養諸天龍夜叉及阿修羅等皆以恭敬心而共來聽法是說法之人若欲以妙音徧滿三千界隨意卽能至大小轉輪王及千子眷屬合掌恭敬心常來聽受法諸天龍夜叉羅刹毘舍闍亦以歡喜心常樂來供養梵天王魔王自在大自在如是諸天衆常來至其所諸佛及弟子聞其說法音常念而守護或時爲現身

父母所生卽肉舌能作十法界語卽五舌義明矣。

又能作十界語。卽天舌不壞。卽慧舌不謬。卽法舌一時互用。卽佛舌也。問。苦澁惡味。至舌皆變成上味。衆色到眼。何不變成妙色。舊答不例。味有損益。損者變不損者不變。諸色不壞。眼故不例。今解不爾。一切色向佛色。一切聲同佛聲。乃至一切法。同佛法等皆清淨。例亦何妨。徧知一切色聲香味觸法無亂無謬。分別亦何妨。雖無著而能分別。豈同二乘之觀空。雖分別而不壞諸根。豈同凡夫之滯。只有自在之根。那作頑礙之解。

(乙)五身根

復次常精進。若善男子。善女人。受持是經。若讀。若誦。若解說。若書寫。得八百身功德。得清淨身。如淨瑠璃。衆生喜見其身淨故。三千大千世界。衆生生時死時。上下好醜。生善處惡處。悉於中現。及鐵圍山。大鐵圍山。彌樓山。摩訶彌樓山等諸山。及其中。衆生悉於中現。下至阿鼻地獄。上至有頂。所有及衆生。悉於中現。若聲聞辟支佛。菩薩諸佛說法。皆於身中現其色像。爾時世尊欲重宣此義。而說偈言。

若持法華者。其身甚清淨。如彼淨瑠璃。衆生皆喜見。又如淨明鏡。悉見諸色像。菩薩於淨身。皆見世所有。唯獨自明了。餘人所不見。三千世界中。一切諸羣萌。天人阿修羅地獄鬼畜生。如是諸色像。皆於身中現。諸天等宮殿。乃至於有頂鐵圍及彌樓摩訶彌樓山。諸大海水等。皆於身中現。諸佛及聲聞。佛子菩薩等。若獨若在衆說法。悉皆現。雖未得無漏法性之妙身。以清淨平常父母所生之體。一切於中現。

世間所有。皆於身中現。肉身用也。上至有頂於身

中現。天身用也。二乘於身中現。慧身用也。菩薩於身中現。法身用也。佛於身中現。佛身用也。一時圓現。一時互用。佛身一時無謬。法身一時無著。慧身

(巳) 六意根

復次常精進。若善男子。善女人。如來滅後。受持是經。若讀。若誦。若解說。若書寫。得千二百意功德。以是清淨意根。乃至聞一偈一句。通達無量無邊之義解。是義已能演說一句。一偈。至於一月。四月乃至一歲。諸所說法。隨其義趣。皆與實相不相違背。若說俗間經

書治世語言資生業等皆順正法。三千大千世界六趣衆生心之所行心所動作心所戲論皆悉知之。雖未得無漏智慧而其意根清淨如此。是人有所思惟籌量皆是佛法無不真實亦是先佛經中所說爾時世尊欲重宣此義而說偈言。

是人意清淨明利無濁穢以此妙意根知上中下法乃至聞一偈通達無量義次第如法說月四月至歲是世界內外一切諸衆生若天龍及人夜叉鬼神等其在六趣中所念若干種持法華之報一時皆悉知。

十方無數佛百福莊嚴相爲衆生說法悉聞能受持思惟無量義說法亦無量終始不忘錯以持法華故悉知諸法相隨義識次第達名字語言如所知演說此人有所說皆是先佛法以演此法故於衆無所畏持法華經者意根淨若斯雖未得無漏先有如是相是人持此經安住希有地爲一切衆生歡喜而愛敬能以千萬種善巧之語言分別而說法持法華經故世間資生產業皆順正法卽人意淨天心所行天所動作悉知卽天意淨四月表四諦一歲是十二

月表十二因緣皆與實相不相違背。卽慧意淨。一月表一大乘。卽法意淨。有所思量。皆是先佛經中所說。卽佛意淨。一時圓明。一時圓互。一時無染。二明初品果功德以勸流通竟。

釋法師功德品竟。次釋常不輕菩薩品。

### 常不輕菩薩品第二十

內懷不輕之解。外敬不輕之境。世身立不輕之行。  
爲人口宣不輕之教。對人作不輕之目。第一不輕之解者。法華論云。此菩薩知衆生有佛性。不敢輕之。

佛性有五。正因佛性。通亘本當。  
悟因于迷緣了佛性種子。本有非適今也。  
還約性德以明二因。果性。菩提果果性。涅槃定當得之。決不虛也。  
了因至果轉名菩提緣。因至果轉名涅槃。又性三因至果之時。了名三種菩提緣。名三種涅槃。是名不輕之解。將解以歷人。彼亦如此。是名敬不輕之境。敬此境故名不輕之行。宣此語故。名不輕之教。昔毀者以此目人。今經家以此目品。此因緣釋也。約教者。藏通二教。不詮中道佛性。別入通通舍別。明二種人有佛性。三種人無佛性。別教。但有正因佛性。不說有緣。

了性。況有果性。果果性耶。今云汝等皆當作佛。具有五佛性故。即是開顯圓也。故見實三昧經云。佛爲父王說。一切皆是佛。王問。一切衆生。即是佛不。佛答。若如實見衆生。於其即是佛。今類此語。若不如實見佛。於其卽非聖譬。如初學射的。多乖少中。以地爲的。無往不著。若分別賢聖。孰是孰非。如實觀之。卽是佛也。本迹者。本已成佛。久遠久遠中間。垂迹復于威音王世。爲常不輕流通本迹四一化度衆生。今又垂迹示成正覺。番番無盡威猛大勢。

之力也。觀心者。苦卽正因佛性。惑卽了因佛性。業卽緣因佛性。了因卽果佛性。緣因卽果果佛性。又三因至果。卽轉名三菩提三涅槃。故卽以性德三因。而爲果性及果果性。一念具足三因五因。不縱橫。不一異。一切衆生。無不皆然。常作是解。即是常不輕也。

丁 三引信毀福罪證勸流通二。初長文。二偈頌

戊 長文爲三。初雙指前品所說罪福。二雙明往

昔信毀果報。三勸持

己 今初

爾時佛告得大勢菩薩摩訶薩。汝今當知。若比丘。比丘尼。優婆塞。優婆夷。持法華經者。若有惡口罵詈誹謗。獲大罪報。如前法師品所說。其所得功德。如向功德法師品所說眼耳鼻舌身意清淨。

(巳)二雙明往昔信毀果報。二初明事本。二明本事。

庚初明事本者。通舉往昔威音王佛以爲不輕。事之本也。又爲二。初明最初一佛。二明次第二萬億佛。辛初中六。初時節。至六正像。壬今

初

得大勢。乃往古昔過無量無邊不可思議阿僧祇劫。雖云無量無邊。若望壽量品中所謂塵劫。則不啻近。故知此是果後復示行因之相也。問。前既開迹顯本。今胡復舉迹中因行答。正由既顯本已。時會了知所說。然燈時事。日月燈明時事。大通智勝時事。威音王佛時事。並屬中間化他方便。並是自在神通之力。師子奮迅之力。威猛大勢之力也。問。果後權現不輕之行。故止流通作佛一句。使得淨于六根。若實初心。恐未必爾。答。凡云權者。皆爲引實。

倘實行不爾則權行徒施。況不輕之解正是一念隨喜初心。初心功德已自不可思議。依解立行必淨六根。何須致疑。但不輕之行非專禮拜。具如下文所明耳。

(五)二名號

有佛名威音王。如來應供。正徧知明。行足善逝。世間解無上士。調御丈夫。天人師。佛世尊。

(五)三劫國

劫名離衰。國名大成。

(五)四說法

其威音王佛於彼世中爲天人阿修羅說法。爲求聲聞者說應四諦法。度生老病死。究竟涅槃。爲求辟支佛者說應十二因緣法。爲諸菩薩因阿耨多羅三藐三菩提說應六波羅蜜法。究竟佛慧。

先方便施三後究竟佛慧是顯一悉與今佛同也。

(五)五佛壽

得大勢是威音王佛壽四十萬億那由他恒河沙劫。

(五)六正像

正法住世劫數如一閻浮提。微塵像法住世劫數如四天下微塵。其佛饒益衆生已。然後滅度初明最初一佛竟。

(辛)二明次第二萬億佛

正法像法滅盡之後。於此國土復有佛出。亦號威音王。如來應供正徧知明。行足善逝。世間解無上士。調御丈夫天人師佛世尊。如是次第有二萬億佛。皆同一號。

正像滅盡後。佛方出。衆生種熟脫之機緣法應如是故也。初明事本竟。

(庚)二明本事者。別約最初威音王佛時不輕之事。

是我世尊垂迹重復示現。本行菩薩道之事也。文爲三。初就本時雙標兩人名。二雙明信毀之相。三雙明信毀果報。(辛)今初

最初威音王如來既已滅度。正法滅後。於像法中。增上慢比丘有大勢力。爾時有一菩薩比丘。名常不輕。本時者最初威音王佛像法中也。毀者本時名增上慢信者。本時名常不輕。夫增上慢者。由秉權教。

修權行微有所得不知次位深淺悞認煖法四禪  
以爲四果。妄自生滿足想。此等卽是無聞比丘之  
流縱無不輕強毒以大亦必墮落均是墮落宜爲  
下圓頓種故以禮拜授記作得度因緣也

一辛二雙明信毀之相二初明信者之得二明毀者  
之失五今初

得大勢以何因緣名常不輕是比丘凡有所見若比  
丘比丘尼優婆塞優婆夷皆悉禮拜讚歎而作是言  
我淡敬汝等不敢輕慢所以者何汝等皆行菩薩道

當得作佛而是比丘不專讀誦經典但行禮拜乃至  
遠見四衆亦復故往禮拜讚歎而作是言我不輕  
於汝等汝等皆當作佛

名常不輕卽人一凡有所見卽理一皆悉禮拜卽  
行一而作是言卽教一此自行四一也汝等卽人  
一皆行菩薩道卽行一當得作佛卽證理一詮此  
三一卽是教一此以四一化他也良由彼時四衆  
旣多起增上慢執方便之方便著小之小藏教已爲方便  
煖法又是藏教方便四果已故以大乘實義而開  
小四禪又是小中之小也

曉之不敢輕慢對治增上慢失也。言汝等皆行菩薩道者。四念處是摩訶衍煖法四禪並資實相。若知所行是菩薩道則始終理等而次位歷然終不起增上慢也。不專讀誦但行禮拜者。述示初隨喜品之相。隨喜一切法悉有安樂性。皆一實相。隨喜一切人皆有三佛性。有心者皆得作佛。卽正因性讀誦威音王權乘遺法。卽了因性。煖法四禪皆菩薩道。卽緣因性。故不敢輕慢而深敬之。敬人敬法不起諍競。卽隨喜意也。乃至遠見四衆等者。表示

本四一也。遠見四衆。表本人一。故往禮拜。表本行一。而作是言。表本教一。皆當作佛。表本理一。以此本迹四一。強毒增上慢人令成圓頓妙種。可謂得正說之宏宗也。又不輕深敬。是如來座。忍於打罵。是如來衣。以慈悲心常行不替。是如來室。又深敬是意業。不輕之說是口業。故往禮拜。是身業。此三與慈悲俱。是誓願安樂行。可謂得流通之妙益也。問大小二律俱制比丘不禮俗人。不輕胡得通禮四衆答爲度增上慢人。令得遠近二益。四衆之中。有受不受。

受得近益不  
受得遠益也

大權方便知機。不妨破格。初心四安。  
樂行須依律文。問。大經禮知法者淨名比丘禮俗。  
同異如何答不同。大經顯敬法之志從彼請益故。  
忘情禮下淨名獲法忍之恩不存恒則故忘犯設。  
敬若大乘正儀出俗恒則並無以道禮俗之科今。  
不輕立行旣非請益獲恩又非大小律制直是果。  
後行因格外化他方便不可以爲典要故與四安。  
樂行對辨理雖不殊事儀七別。一者彼則安處法。  
座隨問爲說此乃遠見四衆故往禮拜。二者彼則。

一者小典生信未是佛因今經或毀還成妙種二者諸經但明順化弘教此品禮俗逆化通經三者餘經所表權實尚隔此品表開莫非四一四者諸經所表迹尚不周此品兼表本迹二相也

(王)二明毀者之失

四衆之中有生瞋恚心不淨者惡口罵詈言是無智比丘從何所來自言我不輕汝而與我等授記當得作佛我等不用如是虛妄授記

此明增上慢人不信四一而毀罵也不用如是虛

妄授記卽不信教一以授記爲虛妄則不知自己所行是菩薩道卽不行一不知我等當得作佛卽不信人一及理一也

如此經歷多年常被罵詈不生瞋恚常作是言汝當作佛說是語時衆人或以杖木瓦石而打擲之避走遠住猶高聲唱言我不敢輕於汝等汝等皆當作佛以其常作是語故增上慢比丘比丘尼優婆塞優婆夷號之爲常不輕憊不隨其不令聞正顯義文四一被罵不瞋常作是言結深信不退之相也杖等打

擲結不受開。權顯實之四一也。避走遠住。猶高聲唱。以訾毀故號爲不輕。結不受開近顯遠之四一也。問釋迦四十餘年不務速說。不輕凡有所見造次而言。何也。答本已有善。釋迦以小而將護之。本未有善。不輕以大而強毒之。二雙明信毀之相竟。

(辛)三雙明信毀果報二初明信者果報二明毀者果報人。(壬)初中二初明果報二結會古今。

(癸)今初

是比丘臨欲終時。於虛空中。真聞威音王佛先所說。

法華經二十千萬億偈。悉能受持。卽得如上眼根清淨。耳鼻舌身意根清淨。得是六根清淨已。更增壽命二百萬億那由他歲。廣爲人說是法華經。於時增上慢四衆比丘。比丘尼。優婆塞。優婆夷。輕賤是人。爲作不輕名者。見其得大神通力。樂說辨力。大善寂力。聞其所說。皆信伏隨從。是菩薩復化千萬億衆。令住阿耨多羅三藐三菩提。命終之後。得值二千億佛。皆號日月燈明。於其法中。說是法華經。以是因緣。復值二千億佛。同號雲自在燈王。於此諸佛法中。受持讀誦。

爲諸四衆說此經典故得是常眼清淨耳鼻舌身意諸根清淨於四衆中說法心無所畏得大勢是常不輕菩薩摩訶薩供養如是若干諸佛恭敬尊重讚歎種諸善根於後復值千萬億佛亦於諸佛法中說是經典功德成就當得作佛

問不輕既是釋迦垂迹但應以菩薩比丘身得度者卽現菩薩比丘身而爲說法及非生現生非滅現滅固無疑矣至若臨終具聞威音所說法華乃得六根清淨豈以果佛現身猶待聞于他佛根尚

未淨由聞持而始淨耶答旣屬果後示現何所不可前此六根未淨是圓病行臨終聞經受持是圓嬰兒行也大神通力卽如來室樂說辨力卽如來座大善寂力卽如來衣以此三法莊嚴六根能令四衆轉毀爲信又問本已成佛何得又云種諸善根乃至功德成就當得作佛答譬如陶朱公善得致富奇術住于一處貨殖萬億捨之而去不攜一文復于他處赤手成家貨殖萬億又捨而去又于他處貨殖萬億佛亦如是本地功德並置不用復

示行因復示得果徧於十方。直於三世。番番不息。不可思議。故云。我本行菩薩道時所成壽命。今猶未盡。既成佛時。不用菩薩所成壽命。則垂迹時亦不用本地所有功德也。又梵網經。吾今來此世界八千返爲此婆婆世界坐金剛華光王座。旣於婆婆示現成佛已八千返。他方分身所徧之處。亦可例知。此中共論信者三報。六根清淨更增壽命。是現報。命終值佛是生報。復值諸佛乃至當得作佛是後報也。

(卷)二結會古今

得大勢於意云何。爾時常不輕菩薩豈異人乎。則我身是。若我於宿世不受持讀誦此經爲他人說者不能疾得阿耨多羅三藐三菩提。我於先佛所受持讀誦此經爲人說故疾得阿耨多羅三藐三菩提。初正結會次。若我於宿世下是舉信者而勸順也。如陶朱公赤手復到餘處。若不用致富奇術不能疾致貨殖萬億。當知法華是疾致成佛之奇術也。

初明信者果報竟

(王)二明毀者果報。二初明果報。二結會古今。

今初

得大勢。彼時四衆比丘比丘尼優婆塞優婆夷以瞋恚意輕賤我故。二百億劫常不值佛不聞法。不見僧千劫於阿鼻地獄受大苦惱。畢是罪已復遇常不輕菩薩教化阿耨多羅三藐三菩提。

由謗故墮苦。由聞作佛之記。結圓頓緣復是不輕。菩薩弘誓願力所攝受故。復得相遇而受教化也。問。彼時四衆既皆言伏隨從。何故猶久墮苦答。此

有二意。一者身打口罵已成重業。理須受報。明此一意用警行人。不可輒爾生瞋起過也。二者經時既久。四衆之中有存有亡。存者信伏亡者未悔。又就信伏隨從之中。悔有淺深。行有勤怠。事非一等。若悔深行勤容可不墮雖墮易出。若悔淺行怠自然先墮後方得益。若未悔者墮苦則久。但由菩薩慈悲攝受終蒙度脫也。問。若因謗墮苦。菩薩何故爲作苦因答。彼旣懷增上慢。縱令不謗亦必墮苦。今因謗墮得作遠因。如人倒地還從地起。故以正

謗接於邪墮間。何不以神通力令其卽皆信伏隨從。答。諸佛菩薩非不欲之。但爲衆生機宜各別。自有不到地獄。決不肯發心者。譬如良醫爲治惡疾。不得不不用鍼灸及苦藥也。

(癸)二結會古今

得大勢。於汝意云何。爾時四衆常輕是菩薩者。豈異人乎。今此會中跋陀婆羅等五百菩薩。師子月等五百比丘尼。思佛等五百優婆塞。皆於阿耨多羅三藐三菩提不退轉者。是

二雙明往昔信毀果報竟

(己)三勸持

得大勢。當知是法華經大饒益諸菩薩摩訶薩能令。至於阿耨多羅三藐三菩提。是故諸菩薩摩訶薩於如來滅後。常應受持讀誦解說書寫是經。承上所明。不惟信者。疾得成佛。亦使毀者終得不退。故當勤習五種之行。所謂受持讀誦解說書寫也。初長文竟

(戊)二偈頌二。初頌信毀果報。二頌勸持。略不頌雙

指也。○初中二初頌事本二頌本事。庚今

初

爾時世尊欲重宣此義而說偈言過去有佛號威音王神智無量將導一切天人龍神所共供養

庚二頌本事三初頌雙標兩名二頌雙明信毀三頌雙明果報辛今初

是佛滅後法欲盡時有一菩薩名常不輕時諸四衆計著於法

計著於法卽頌增上慢也是法不可示言辭相寂

滅若定謂是有卽是著法定謂是無亦是著法定謂亦有亦無亦是著法定謂非有非無亦是著法定謂離四句故不可得說亦是著法故佛藏經云刀輪害閻浮人其罪猶少有所得心說大乘者其罪過彼大論云執有與無諍乃至執非有非無與有無諍如牛皮龍繩俱不免患中論云諸佛說空法本爲化於有若有著空者諸佛所不化若定言諸法非有非無者是名愚癡論當知若得四悉檀意自行化他皆能無著若失四悉檀意自行化他

皆名著法。以著法故。有所得心。于劣小證而生矜

傲。名增上慢也。

(辛)二頌雙明信毀

不輕菩薩。往到其所。而語之言。我不輕汝。汝等行道皆當作佛。諸人聞已。輕毀罵詈。不輕菩薩能忍受之。(辛)三頌雙明果報。一。初頌信者果報。二。頌毀者果報。三。今初。

其罪畢已。臨命終時。得聞此經六根清淨。神通力故增益壽命。復爲諸人廣說是經。諸菩薩衆。皆蒙菩薩

教化成就。令住佛道。不輕命終值無數佛。說是經故得無量福。漸具功德。疾成佛道。彼時不輕。則我身是其罪畢已者。既垂迹爲六根未淨之人。必垂示同病行之罪。由此罪故。多招打罵。由能忍故。罪畢根淨也。

(壬)三頌毀者果報

時四部衆。著法之者。聞不輕言。汝當作佛。以是因緣值無數佛。此會菩薩五百之衆。并及四部清信士女。今於我前。聽法者。是我於前世。勸是諸人。聽受斯經。

第一之法。開示教人。令住涅槃。世世受持。如是經典。

初頌信毀果報竟

正百之衆。并又四禪前前土文  
印巴二頌勸持

億億萬劫。至不可議時。乃得聞是法華經。億億萬劫。至不可議。諸佛世尊時。說是經。是故行者。於佛滅後。聞如是經。勿生疑惑。應當一心廣說此經。世世值佛。疾成佛道。音難通。大眾未解之人。及垂示同  
學。長文既明。此經有大饒益。乃至毀者亦終得益。何故。億億萬劫。至不可議。諸佛乃時。說是經耶。答。

有四悉益。則可得說。無四悉益。諸佛終不妄說法也。是故欲弘大法。先須明了四悉因緣。二別說迹。

一本兩門竟

甲三流通迹本兩門。共八品經分爲三意。初神力

囑累兩品明付囑流通。二藥王下五品約化他

勸流通。三普賢勸發品約自行勸流通。乙初

中二。初神力品明菩薩受命弘經。二囑累品明

如來摩頂付囑。音難通。大眾未解之人。及垂示同  
學。長文既明。此經有大饒益。乃至毀者亦終得益。

釋常不輕菩薩品竟。次釋如來神力品。

## 如來神力品第二十

如來上已釋竟。神名不測。力名幹用。不測則天然

之體深。幹用則轉變之力大。此中爲付囑深法。現

十種大力。故名神力品。神在於內。即是體宗。力名幹用。即顯經用。佛說本迹。口輪力用已竟於前。今復身輪現此勝用。令衆流通本迹之教。故云體深力大。

⑤初明菩薩受命弘經二。初長文。二偈頌。①初中三。初菩薩受命。二佛現神力。三結要勸持。

戊今初

爾時千世界微塵等菩薩摩訶薩從地涌出者。皆於

佛前一心合掌。瞻仰尊顏。而白佛言。世尊。我等於佛滅後世尊分身所在國土滅度之處。當廣說此經。所以者何。我等亦自欲得是真淨大法。受持讀誦解說書寫而供養之。

發誓弘經爲三。一明時節是佛滅後。二明處所。是分身國土。三明利益。非但益他。亦自欲得真淨大法。自他兼濟也。實體名真。權用名淨。權實不二。名大。又非權非實名真。能權能實名淨。遮照不二。名

(戊)二佛現神力二。初約所對總標。二約所表正現。

(己)今初

爾時世尊於文殊師利等無量百千萬億舊住娑婆世界菩薩摩訶薩及諸比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等一切衆前現大神力

文殊等迹化衆也舊住者下方本化衆也及諸比丘等一切衆者從他方來及從分身佛來者也

(乙)二約所表正現十。初出舌相。二毛孔放光三聲

咳四彈指五地動六普見大會七空中唱聲八遙歸命九遙供養十多方通達如一佛土  
(庚)初出舌相。二毛孔放光

出廣長舌上至梵世一切毛孔放於無量無數色光皆悉徧照十方世界衆寶樹下師子座上諸佛亦復如是出廣長舌放無量光釋迦牟尼佛及寶樹下諸佛現神力時滿百千歲然後還攝舌相

出廣長舌表誠實語也福德人舌至鼻三藏佛舌至髮際今至梵天出過凡聖之外相既殊常說彌

可信。當知開三顯一。開近顯遠皆實不虛也。毛孔放光徧照表二門理一也。序中白毫東照表七方便初見一理。今本門既竟放一切光。照一切土。能令初心究竟佛慧智境斯馨也。分身諸佛化道是同故亦復如是。滿百千歲意表橫該百界千如。豎極古今十世。于八年中而復滿百千歲。已如上文五十小劫中釋。今此大會並破無明。故不須以神力。令其謂如半日也。

(庚)三警咳四彈指

一時警咳俱共彈指。是二音聲徧至十方諸佛世界。警咳者通暢之相。又是將語之狀。四十餘年未得說實。今獲伸舒。無有遺滯。大事通暢。是故警咳。欲以此法付囑菩薩。令於後世導利衆生。將語斯事。是故警咳。卽表教一。彈指者隨喜也。隨喜七方便。同入圓道。隨喜圓位。增道損生。隨喜諸菩薩持真淨大法。隨喜後世獲無上寶。卽表人一。故此彈指及與警咳。豎徹三世。橫徧十方。

(庚)五地動六普見大會

地皆六種震動。其中衆生天龍夜叉乾闥婆阿修羅迦樓羅緊那羅摩睺羅伽人非人等以佛神力故皆見此娑婆世界無量無邊百千萬億衆寶樹下師子座上諸佛及見釋迦牟尼佛共多寶如來在寶塔中坐師子座又見無量無邊百千萬億菩薩摩訶薩及諸四衆恭敬圍繞釋迦牟尼佛既見是已皆大歡喜得未曾有。

十方世界地皆六種震動者表動一切衆生六根一令得清淨亦表圓道始終六番破于無明表行一

也。普見此間大會者表諸佛道同而今而後亦復如是也。上來五千起去三變被移乃至本住十方人非人等機未熟者既不能雲集來此法會今以神力皆令遙見結歡喜緣即是未來得度之總瑞也。

**庚**七空中唱聲

卽時諸天於虛空中高聲唱言過此無量無邊百千萬億阿僧祇世界有國名娑婆是中有佛名釋迦牟尼今爲諸菩薩摩訶薩說大乘經名妙法蓮華教菩

薩法佛所護念汝等當深心隨喜亦當禮拜供養釋迦牟尼佛

雖以佛力令其遙見大會而猶未知佛名何等何事集會今虛空諸天唱使聞知令其隨喜妙法供養世尊卽表未來有教一也

(庚)八遙歸命

彼諸衆生聞虛空中聲已合掌向娑婆世界作如是言南無釋迦牟尼佛南無釋迦牟尼佛

合掌南無爲佛弟子此表未來有人一也

(庚)九遙供養

以種種華香瓔珞旛蓋及諸嚴身之具珍寶妙物皆共遙散娑婆世界所散諸物從十方來譬如雲集變成寶帳徧覆此間諸佛之上

所散諸物變成寶帳覆諸佛上表萬善同歸皆舍

佛果卽是未來有行一也

(庚)十十方通達如一佛土

于時十方世界通達無礙如一佛土

此表未來理一也既悟理已權實本迹不思議一

差別卽無差別也。三佛現神力竟。

(戌)三結要勸持四初稱歎付囑。二結要付囑。三勸獎付囑。四釋付囑。

(巳)今初

爾時佛告土行等菩薩大衆諸佛神力。如是無量無邊不可思議。若我以是神力於無量無邊百千萬億阿僧祇劫爲囑累故說此經功德猶不能盡。

(巳)二結要付囑

以要言之。如來一切所有之法。如來一切自在神力。如來一切秘要之藏。如來一切甚深之事。皆於此經。

### 宣示顯說

所有之法者。一切諸法皆是佛法。此結一切皆妙名也。自在神力者。通達無礙。具八自在。結妙用也。秘要之藏者。徧一切處皆是實相結妙體也。甚深之事者。一切因果唯一大事。結妙宗也。皆於此經宣示顯說者。總結一經唯四而已。撮其樞柄而授與之。

(巳)三勸獎付囑

是故汝等於如來滅後。應一心受持讀誦解說書寫。

如說修行。所在國土。若有受持讀誦解說書寫。如說修行。若經卷所住之處。若於園中。若於林中。若於樹下。若於僧坊。若白衣舍。若在殿堂。若山谷曠野。是中皆應起塔供養。

(巳)四釋付囑

所以者何。當知是處即是道場。諸佛於此得阿耨多羅三藐三菩提。諸佛於此轉于法輪。諸佛於此而般涅槃。

此釋何故。經卷所在。皆應起塔。以是處即是道場。

故也。得道處轉法輪處。入涅槃處。皆名道場。道場是總卽釋。一切皆妙名也。得菩提者。證于秘要之藏。釋妙體也。轉法輪者。說示自行本迹。因果甚深之事。釋妙宗也。般涅槃者。非滅唱滅。神力自在。釋妙用也。得菩提是法身。轉法輪是般若。入涅槃是解脫。三法成秘密藏。佛住其中。即是道場。即是塔義。故應起塔以表彰之。初長文竟。

(丁)二偈頌二。初頌神力。二頌結要勸持。

(戊)今初

爾時世尊欲重宣此義。而說偈言。

諸佛教世者住於大神通爲悅衆生故現無量神力。舌相至梵天身放無數光爲求佛道者現此希有事。諸佛警咳聲及彈指之聲周聞十方國地皆六種動。以佛滅度後能持是經故諸佛皆歡喜現無量神力。十種神力但頌前五後五皆由二聲震動故現是故略之。又前五後五表義不殊但有現在未來之異舉現例未是故略之

(戊)二頌結要勸持三初頌稱歎二頌結要卽兼得釋付囑意三頌勸獎(己)今初

囑累是經故讚美受持者於無量劫中猶故不能盡是人之功德無邊無有窮如十方虛空不可得邊際長文云說此經功德猶不能盡今頌云是人之功德無邊無有窮法妙故人妙人妙故法妙互相顯也

(己)二頌結要兼釋四初頌一切法二頌自在神力

三頌秘要之藏四頌甚深之事

(庚)今初

能持是經者則爲已見我亦見多寶佛及諸分身者

又見我今日教化諸菩薩

所有之法不出能化能證及所化也。無二乘故不兼帶故其法純妙。亦卽道場以總冠三  
(庚)二頌自在神力  
能持是經者。令我及分身滅度多寶佛。一切皆歡喜。十方現在佛。并過去未來。亦見亦供養。亦令得歡喜。歡喜卽是神力用暢。亦卽涅槃最安隱故。  
(庚)三頌秘要之藏  
諸佛坐道場所得秘要法。能持是經者。不久亦當得同于諸佛。得三菩提。證秘密藏之妙體也。

(庚)四頌甚深之事

能持是經者。於諸法之義名字及言辭樂說無窮盡。如風於空中。一切無障礙。於如來滅後。知佛所說經因緣及次第。隨義如實說。如日月光明。能除諸幽冥。斯人行世間。能滅衆生闇。教無量菩薩。畢竟住一乘。以一乘因果之宗教化菩薩。卽是轉法輪也。二頌  
結要兼釋竟。

(己)三頌勸獎

是故有智者聞此功德利。於我滅度後。應受持斯經。

是人於佛道。決定無有疑。

略不頌起塔供養。但云於佛道無疑。蓋深信是處。即是道場。諸佛於此得菩提。轉法輪。入涅槃也。初

明菩薩受命弘經竟。

釋如來神力品竟。次釋囑累品。

### 囑累品第二十二

囑是佛所付囑。累是煩爾宣傳。此從如來聖旨得名。囑是頂受所囑。累是甘而弗勞。此從菩薩敬順得名。囑是如來金口所囑。累是菩薩丹心頂荷。此

從授受合論。是故如來躬從座起。申手摩頂。授以難得之法。大衆曲躬合掌。如世尊敕當具奉行。殷勤授受。故名囑累品也。

(丙)二明如來摩頂付囑。二初付囑。二歡喜。(丁)初

中三。初如來付囑。二菩薩領受。三事畢唱散。

(戊)初又三。初正付。二釋付。三誠付。(己)今初

爾時釋迦牟尼佛從寶塔法座起。現大神力。以右手

摩無量菩薩摩訶薩頂。而作是言。我於無量百千萬億阿僧祇劫修習。是難得阿耨多羅三藐三菩提法。

今以付囑汝等。汝等應當一心流布此法。廣令增益。如是三摩諸菩薩摩訶薩頂。而作是言。我於無量百千萬億阿僧祇劫。修習是難得阿耨多羅三藐三菩提法。今以付囑汝等。汝等當受持讀誦。廣宣此法。令一切衆生普得聞知。

如來以一權智善巧之手。一時徧摩無量菩薩實智之頂。故名現大神力。如來授道化他。故以右手表權。菩薩自行受道。故以頂表實也。申手摩頂。卽身付囑。權智臨實智。卽意付囑。而作是言。卽口付

囑。三摩三囑。慇懃不輕。普令自行化他。俾四悉檀永永無盡。

(巳)二釋付

所以者何。如來有大慈悲。無諸慳惁。亦無所畏。能與衆生佛之智慧。如來智慧。自然智慧。如來是一切衆生之大施主。汝等亦應隨學如來之法。勿生慳惁。有大慈悲者。究竟空也。無諸慳惁者。究竟衣也。亦無所畏者。究竟座也。佛之智慧者。覺法實性。一切智也。如來智慧者。從性起修。從因至果。道種智也。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法華會第十四

自然智慧者。其體天然雙照不二。一切種智也。衣座室三各具三智。三一相卽。三一互融。以此化他。名大施主。室無衣座。則弘誓不普。衣無室座。則法身不滿。座無衣室。則惑破不周。勿生慳惜。是勸分證施主。應學究竟大施主也。若有慳惜。卽非慈悲。亦卽有畏。故舉一語。卽是勸令三軌弘經。

(巳)三誠付

於未來世。若有善男子。善女人。信如來智慧者。當爲演說此法華經。使得聞知。爲令其人得佛慧故。若有

衆生不信受者。當於如來餘深法中示教利喜。汝等若能如是。則爲已報諸佛之恩。

除佛慧外。皆名爲餘。爲實施權。權含于實。故皆名深。故知但讚佛乘。不能徧通前三教法。未爲傳法報佛恩也。初如來付囑竟。

(戊)二菩薩領受

時諸菩薩摩訶薩。聞佛作是說已。皆大歡喜。徧滿其身。益加恭敬。曲躬低頭。合掌向佛。俱發聲言。如世尊敕。當具奉行。唯然世尊願不有慮。諸菩薩摩訶薩衆。

如是三反俱發聲言。如世尊敕當具奉行。唯然世尊願不有慮。

歡喜恭敬意領受也。曲躬低頭身領受也。俱發聲言。口領受也。如世尊敕領正付也。當具奉行。具行三法領釋付也。願不有慮領誠付也。如來三付。菩薩三受。殷勤鄭重。一代所無。

(戊)三事畢唱散

爾時釋迦牟尼佛令十方來諸分身佛各還本土。而作是言。諸佛各隨所安。多寶佛塔還可如故。

分身爲開塔故集。開塔事了。故令各隨所安而還本土。寶塔爲證經故來。今本迹二門已訖。故敬令還閉如故也。塔不重開故分身去而不現。塔猶聽法。故下文閉而尚在問。塔若聽法亦應不閉。答證正已故閉。聽流通故在。初付囑竟。

(丁)二歡喜

說時語時。十方無量分身諸佛坐寶樹下。師子座上者。及多寶佛并上行等無邊阿僧祇菩薩大衆。舍利弗等。聲聞四衆。及一切世間天人阿修羅等。聞佛所

說。皆大歡喜。

諸佛爲化他事。遂故喜。菩薩爲自行得法故喜。又說人清淨故喜。佛是也。聞清淨法故喜。妙經是也。獲證清淨故喜。現在未來得益者是也。初明付囑流通竟。

(乙)二藥王下五品。約化他勸流通。又分爲四。初藥王品。勗弘法之師。宜如藥王。竭其神力。盡其形。命。惟願大法弘通。衆生獲益。庶令弟子有所宗法也。二妙音觀音二品。勗受法弟子。於弘法人。

勿生輕想。何以故。他方大士奉命弘經。普現色身形無定準。不可以牛羊眼視。不可以凡庸識度也。三陀羅尼品。是明呪護。四妙莊嚴品。是明人護。又藥王以苦行乘此一乘。妙音觀音以三昧乘此一乘。陀羅尼以總持乘此一乘。妙莊嚴以誓願乘此一乘。普賢以神通乘此一乘。真如實相。是所乘之體。佛界因果。是所乘之事。苦行等是乘乘之緣。隨物機宜。故使弘者示緣不同。而所乘體。皆是妙法。所有因果。並依一實。以此

利物故曰乘乘

釋囑累品竟次釋藥王菩薩本事品

藥王菩薩本事品第二十三

觀藥王藥上菩薩經云昔名星光從尊者日藏聞說佛慧以雪山土藥供養衆僧願我未來能治衆生身心兩病舉世歡喜號曰藥王大佛頂經云我無始劫爲世良醫口嘗娑婆世界所有藥味承事如來分別味因從是開悟如來印我毘盧藥王藥上二菩薩名此文明一切衆生喜見菩薩頓捨一

一身復燒兩臂輕生重法命殞道存舉昔顯今故言本事品也說此諸品並令衆生得四悉益不必拘拘分配

(丙)初弔弘法之師文爲四初問二答三利益四多

寶稱善

(丁)今初

爾時宿王華菩薩白佛言世尊藥王菩薩云何遊於娑婆世界世尊是藥王菩薩有若干百千萬億那由他難行苦行善哉世尊願少解說諸天龍神夜叉乾闥婆阿修羅迦樓羅緊那羅摩睺羅伽人非人等又

## 法華會事十四

四九

他國土諸來菩薩。及此聲聞衆。聞皆歡喜。

初世尊下。通問遊化。二世尊下。別問苦行。三善哉。下請答也。遊化是利他。苦行是自利。遊化亦苦行。苦行亦利他。已下妙音等文。總不出自他二利。自行總不出智斷福慧利他。總不出三昧神通。通問遊者遊必具足十法界身。並如妙音觀音。但別舉苦行以逗所宜。故請答之言意在苦行。

(丁)二答二。初但答苦行。遊化則指普現色身三昧。或指下二品也。二歎經。(戊)初中二。初明事本。

## 二明本事 (己)今初

爾時佛告宿王華菩薩。乃往過去無量恒河沙劫。有佛號日月淨明德如來。應供正徧知。明行足。善逝。世間解無上士。調御丈夫。天人師。佛世尊。其佛有八十億大菩薩摩訶薩。七十二恒河沙。大聲聞衆。佛壽四萬二千劫。菩薩壽命亦等。彼國無有女人地獄餓鬼。莊嚴寶帳覆上。垂寶華幡寶瓶香爐。周徧國界。七寶爲臺。一樹一臺。其樹去臺盡一箭道。此諸寶樹皆有

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

菩薩聲聞而坐其下。諸寶臺上各有百億諸天。作天  
技樂歌歎於佛以爲供養。

(已)二明本事三初佛說法。二修供養。三結會古今  
今初

爾時彼佛爲一切衆生喜見菩薩及衆菩薩諸聲聞  
衆說法華經

亦猶今佛之告舍利弗日月燈明佛之因妙光也。  
(庚)二修供養二初現生供養二次生供養 (辛)初

中二初修行得法二作念報恩 (壬)今初

是一切衆生喜見菩薩樂習苦行於日月淨明德佛  
法中。精進經行一心求佛。滿萬二千歲已。得現一切  
色身三昧

(壬)二作念報恩又二初三昧力供養二燒身供養  
(癸)今初

得此三昧已。心大歡喜。卽作念言。我得現一切色身  
三昧。皆是得聞法華經力。我今當供養日月淨明德  
佛及法華經。卽時入是三昧。於虛空中。雨曼陀羅華  
摩訶曼陀羅華。細末堅黑栴檀。滿虛空中。如雲而下。

及雨海此岸栴檀之香。此香六株價直娑婆世界。以供養佛。

普現三昧理無出八表用三昧之力故云入耳一  
癸二燒身供養又三初燒身二佛讚三時節 丁

今初

作是供養已從三昧起而自念言我雖以神力供養於佛不如以身供養卽服諸香栴檀薰陸兜樓婆畢力迦沉水膠香又飲薺葛諸華香油滿千二百歲已香油塗身於日月淨明德佛前以天寶衣而自纏身。

准諸香油以神通力願而自然身光明徧照八十億恒河沙世界。

神通力願者明其不用世火還依所得三昧起利他願以觀智火焚難思境故使光明徧照多國

子二佛讚

其八十億恒河沙世界中諸佛同時讚言善哉善哉善男子是

真精進是名真法供養如來若以華香瓔珞燒香末香塗香天繒幡蓋及海此岸栴檀之香如是等種種諸物供養所不能及假使國城妻子布施亦所不及

善男子。是名第一之施。於諸施中最尊最上。以法供養諸如來故。作是語已而各默然。

真法供養者。當是內運觀智。觀煩惱因果。皆用空慧。蕩之故言真法。又觀若身若火。能供所供。皆是實相。誰燒誰然。誰供誰受。故名真法也。作是觀時。苦爲法界。見聞獲益。故曰乘乘。若不爾者。便成無益苦行。

子三時節

其身火然千二百歲。過是已後。其身乃盡。

前服香油。先滿千二百歲。表用方便道。先淨界內十二因緣諸苦集也。今火然身。亦滿千二百歲。表實智火。永盡界外十二因緣諸苦集也。初現生苦行供養竟。

辛二次生供養五。初生王家。二說本事。三往佛所。

四如來付囑。五奉命任持。壬今初

一切衆生喜見菩薩。作如是法供養已。命終之後。復生日月淨明德佛國中。於淨德王家結加趺坐。忽然化生。

## (王)二說本事

卽爲其父而說偈言。大王今當知。我經行彼處。卽時得一切。現諸身三昧。勤行大精進。捨所愛之身。說是偈已。而白父言。日月淨明德佛今故現在。我先供養佛已。得解一切衆生語言陀羅尼。復聞是法華經八百千萬億那由他甄迦羅頻婆羅阿閻婆等偈。大王我今當還供養此佛。

燒身供養佛已。得陀羅尼聞法華偈。卽是得法性身。常不離佛故也。若約事迹。則是于中陰身得聞

妙法。如佛尚自入中陰國教化。况菩薩而無中陰身耶。

## (王)三往佛所

白衣。卽坐七寶之臺上升虛空高七多羅樹。往到佛所。頭面禮足。合十指爪。以偈讚佛。容顏甚奇妙。光明照十方。我適曾供養。今復還親覲。爾時一切衆生喜見菩薩說是偈已。而白佛言。世尊。世尊猶故在世。

## (王)四如來付囑

爾時日月淨明德佛。告一切衆生喜見菩薩。善男子。

我涅槃時到滅盡時至。汝可安施牀座。我於今夜當般涅槃。又救一切衆生喜見菩薩善男子。我以佛法囑累於汝。及諸菩薩大弟子。并阿耨多羅三藐三菩提法。亦以三千大千七寶世界諸寶樹寶臺及給侍諸天。悉付於汝。我滅度後所有舍利亦付囑汝。當令流布廣設供養。應起若干千塔。如是日月淨明德佛救一切衆生喜見菩薩已。於夜後分入於涅槃。

佛法通指一代所說。阿耨菩提法別指法華經也。王五奉命任持又四。初起塔。二燒臂。三利益。四現

報 今初

爾時一切衆生喜見菩薩見佛滅度悲感懊悔戀慕於佛。卽以海此岸旃檀爲積供養佛身而以燒之。火滅已後。收取舍利作八萬四千寶瓶。以起八萬四千塔。高三世界。表刹莊嚴。垂諸幡蓋懸衆寶鈴。

(癸)二燒臂

爾時一切衆生喜見菩薩復自念言。我雖作是供養心猶未足。我今當更供養舍利。便語諸菩薩大弟子。及天龍夜叉等。一切大衆。汝等當一心念。我今供養

日月淨明德佛舍利作是語已。卽於八萬四千塔前。然百福莊嚴臂。七萬二千歲而以供養。

問燒身但經千二百歲燒臂何故時長答前爲自行身盡入滅。今爲弘法令物會三。故云令無數等。旣言無數聲聞發菩提心。故知喜見於佛滅後。不令此等住於小果。此土亦然。

(癸)三利益

令無數求聲聞衆無量阿僧祇人發阿耨多羅三藐三菩提心。皆使得住現一切色身三昧。

(癸)四現報

爾時諸菩薩天人阿修羅等見其無臂憂惱悲哀而作是言。此一切衆生喜見菩薩是我等師教化我者。而今燒臂身不具足。于時一切衆生喜見菩薩於大衆中立此誓言。我捨兩臂必當得佛金色之身。若實不虛。令我兩臂還復如故。作是誓已自然還復。由斯菩薩福德智慧淳厚所致。當爾之時三千大千世界六種震動。天雨寶華。一切人天得未曾有。

金色之身。指妙覺極果究竟常色也。二修供養竟。

(庚)三結會古今又二。初結會。二勸修。(辛)今初。

佛告宿王華菩薩。於汝意云何。一切衆生喜見菩薩。豈異人乎。今藥王菩薩是也。其所捨身布施。如是無量百千萬億那由他數。

(辛)二勸修

宿王華若有發心欲得阿耨多羅三藐三菩提者。能然手指乃至足一指供養佛塔。勝以國城妻子及三千大千國土山林河池諸珍寶物而供養者。

手指謂一節兩節。足一指。謂滿足然一手指令盡。

衆生身見最難拔除。故然指功德。遠勝外施。妻子是外身國城等是外財也。問。毘尼中制燒身燒指。此勤然指其事如何。答。大小制別教意不同。小制結罪。大制令燒。故梵綱云。若不燒身臂指供養諸佛。非出家菩薩。大佛頂經云。能於如來像前身然一燈燒一指節。及於身上爇一香炷。無始宿債。一時酬畢。夫順小行易。不燒何難。從大誠難燒乃不易。世以不持爲大。則大小俱傾。當知此土機緣咸迷大小。不知先小後大。依何夏次。應開小夏以成大夏先大

後小。何心而受。爲知比丘戒法是大乘所應學耶。退大求小而反學小法耶。先小後大。開小乘遮不。先大後小。遮菩薩開不。開遮之法。具在菩薩戒本。先大後小。仍名菩薩比丘。一界之內。兩衆如何。在大依大戒次。在小依小戒次。一身之中。二體同異。大乘戒體極至佛身。比丘無作律儀。但盡形壽。大乘於小。取益從何。以住持人天榜樣。比丘自軌則。一不可覩。小誦於大。招損誰測。未受大戒。不論勤勤甄別。用爲來種。所乘之乘。皆妙法故。以依一實立因果故。乘其所乘。以利物故。但自揣已德。歷境觀心。與心相應當順。何制初答苦行竟。

(戊)二歎經三。初歎能持人。二歎所持法。三明持經福深。(己)今初

若復有人。以七寶滿三千大千世界。供養於佛及大菩薩辟支佛阿羅漢。是人所得功德。不如受持此法。華經乃至一四句偈。其福最多。

七寶奉四聖。不如持一偈。法是聖師。能生能養。能成能榮。莫過於法也。

(己)二歎所持法。又二。初歎法體。二歎法用。

體非宗體之體

乃通指一部爲體用。非宗用之用。乃指部內體宗用。三共存如是故。與等用也。

(庚)今

初

宿王華。譬如一切川流江河諸水之中。海爲第一。此法華經亦復如是。於諸如來所說經中。最爲深大。川流江河譬乳酪。二酥四味教也。海譬法華醍醐。說窮本地爲最深。徧開一切爲最大。

又如土山黑山小鐵圍山大鐵圍山及十寶山衆山之中。須彌山爲第一。此法華經亦復如是。於諸經中最爲其上。

十寶山名出華嚴經。須彌亦其一也。土黑鐵圍故

非是寶。餘九雖寶或一或二。神龍雜居。惟此須彌四寶所成。純天所住。譬餘教所詮能依之四十心十地。或凡或賢或聖所依之理。或俗或真或中。是爲卑下。此經所詮能依是。開示悟入之天。所依是常樂我淨之寶。是故第一最上。

又如衆星之中。月天子最爲第一。此法華經亦復如是。於千萬億種諸經法中。最爲照明。星月俱於夜現。可譬權智。星多而小。又無盈虧。譬諸經所詮隨情方便。各逗一機。不得自在。月獨而

大。又能盈虧。譬此經所詮隨智方便卽實而權。照一切法最爲明了。

又如日天子能除諸闇。此經亦復如是能破一切不善之闇。

日出名晝可譬實智。諸經不開權顯。惟一實故不能除執三之闇。又不能除執近之闇。此經尚破等覺位闇。况復餘闇而不破耶。

又如諸小王中轉輪聖王最爲第一。此經亦復如是於衆經中最爲其尊。

三藏教如粟散王。三乘各別。通教如鐵輪王。三乘同位。別教如銅輪王。次第詮於真中二理。諸經隔偏之圓。如銀輪王頓詮三諦而不收彼定性二乘。此經開顯之圓。如金輪王北洲冰執無我所者亦歸統御。

又如帝釋於三十三天中王。此經亦復如是諸經中王。三十二天四方各八。可譬四教各有四門自行化他。此經統而御之。故如帝釋爲忉利王。

60 1 2 3 4 5 6 7 8 9 10 1 2 3 4 5 6 7 8 9 10

又如大梵天王。一切衆生之父。此經亦復如是。一切賢聖學無學及發菩薩心者之父。劫欲盡時。一切世間衆生法爾皆得二禪。土生光天。少光無量光。光音總名光天也。劫火方起。壞已乃空空已復成世界成已。光天衆生有命盡者。以福德力化生初禪。卽大梵天王也。初唯一人乃作是念云。何此間無有伴侶。此後光天復有諸命盡者。亦來化生。初禪。卽是梵輔及梵衆等。故大梵王自謂我是一切衆生之父。衆生亦謂梵王是我等父。斯乃妄計。非

是實義。今順衆生情。謂借此比况而已。此經正詮實相妙理。實相徧能出生一切諸法。一切賢聖學無學及發四教菩薩心者。並依實相而得成就。故爲其父也。

又如一切凡夫人中。須陀洹斯陀含阿那含阿羅漢辟支佛爲第一。此經亦復如是。一切如來所說。若菩薩所說。若聲聞所說。諸經法中最爲第一。有能受持是經典者。亦復如是。於一切衆生中。亦爲第一。辟支出無佛世。不藉聞法。獨自超悟。故其福田能

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

勝四果。餘經所說並涉方便。如四果人因聞思修  
方乃得悟。此經所誡純明無作一實之理。但悟實  
相。任運契入。如辟支佛不藉外緣也。  
一切聲聞辟支佛中。菩薩爲第一。此經亦復如是。於  
一切諸經法中。最爲第一。  
三乘皆屬因位。唯菩薩爲第一。餘經明七方便因。  
譬猶二乘。此經明圓因。無上譬猶菩薩。即是因第  
一也。

如佛爲諸法王。此經亦復如是。諸經中王。

諸經明佛寂場近成。此經明佛久久遠成。故此妙  
經統攝一代所說。即是果第一也。大海須彌山月  
日轉輪王。帝釋大梵王。辟支菩薩佛。十喻顯尊妙。  
初歎法體竟。

庚二歎法用

宿王孽。此經能救一切衆生者。與拔苦別明標此經能令一切  
衆生離諸苦惱。別明拔苦此經能大饒益一切衆生。充滿  
其願。如清涼池能滿一切諸渴乏者。如寒者得  
火。如裸者得衣。如商人得主。如子得母。如渡得船。如

病得醫。如闇得燈。如貧得寶。如民得王。如賈客得海。  
如炬除闇。以十二譬  
警言圓與拔此法華經亦復如是。能令衆生離一切苦。一切病痛。能解一切生死之縛。總結  
與拔

## 二歎所持法竟

(巳)三明持經福深又二。初明持全經福。二明持此

品福庚今初

若人得聞此法華經。若自書。若使人書。所得功德以佛智慧籌量多少。不得其邊。若書是經卷。華。香。瓔珞。燒香。末香。塗香。幡蓋。衣服。種種之燈。酥燈。油燈。諸香。

油燈。薺。蜀。油燈。須。曼。那。油燈。波。羅。羅。油燈。婆。利。師。迦。油燈。那。婆。摩。利。油燈。供。養。所得功德。亦復無量。

(庚)二明持此品福。二。初格量。二。囑累

辛今初

宿王華。若有人聞是藥王菩薩本事品者。亦得無量無邊功德。若有女人聞是藥王菩薩本事品。能受持者。盡是女身。後不復受。若如來滅後。後五百歲中。若有女人聞是經典。如說修行。於此命終。卽往安樂世界。阿彌陀佛大菩薩衆圍繞住處。生蓮華中。寶座之上。不復爲貪欲所惱。亦復不爲瞋恚愚癡所惱。亦復

不爲憍慢嫉妒諸垢所惱。得菩薩神通無生法忍。得是忍已。眼根清淨。以是清淨眼根。見七百萬二千億那由他恒河沙等諸佛如來。是時諸佛遙共讚言。善哉善哉。善男子。汝能於釋迦牟尼佛法中受持讀誦。思惟是經爲他人說。所得福德無量無邊。火不能焚。水不能漂。汝之功德。千佛共說。不能令盡。汝今已能破諸魔賊。壞生死軍。諸餘怨敵。皆悉摧滅。善男子。千諸佛以神通力。共守護汝。於一切世間天人之中。無如汝者。唯除如來。其諸聲聞辟支佛乃至菩薩智。

慧禪定。無有與汝等者。宿王華。此菩薩成就如是功德智慧之力。若有人聞是藥王菩薩本事品。能隨喜讚善者。是人現世口中常出青蓮華香。身毛孔中。常出牛頭旃檀之香。所得功德。如上所說。

受持此品不受女身者。女人身見尤重。今苦行捨身功德能拔之也。如說修行。卽能往生安樂世界者。便以此經爲淨土。因與十六觀經大小彌陀經等無二無別也。如此經說修行三軌。四安樂行。若伏五住。卽生同居淨土。若淨六根。卽生方便淨土。

若破無明卽生實報淨土亦復分證寂光也。問淨土甚多何必安樂答由如來願攝生故物機宿緣厚故標心一方令專注故一卽一切不思議故所以諸經多讚說之文中身口出香卽是現報餘是生報後報

辛二囑累

是故宿王華以此藥王菩薩本事品囑累於汝我滅度後後五百歲中廣宣流布於閻浮提無令斷絕惡魔魔民諸天龍夜叉鳩槃茶等得其便也宿王華汝

當以神通之力守護是經所以者何此經則爲閻浮提人病之良藥若人有病得聞是經病卽消滅不老不死宿王華汝若見有受持是經者應以青蓮華盛滿末香供散其上散已作是念言此人不久必當取草坐於道場破諸魔軍當吹法螺擊大法鼓度脫一切衆生老病死海是故求佛道者見有受持是經典人應當如是生恭敬心

不老是樂不死是常聞經得常樂解坦然無畏三惑病消滅也品中初問二答竟

(丁)三利益

說是藥王菩薩本事品時。八萬四千菩薩得解一切衆生語言陀羅尼。

(丁)四多寶稱善  
多寶如來於寶塔中讚宿王華菩薩言。善哉善哉。宿王華汝成就不可思議功德乃能問釋迦牟尼佛如此之事。利益無量。一切衆生。初藥王品。弘法之師竟妙法蓮華經台宗會義卷六之二。



弟子海賢	性融	薛文莊	陳登余相
張守業	顧尚高	願此功德同生	
西方蓮花化生法界有情同圓種智			

60 1 2 3 4 5 6 7 8 9 10 1 2 3 4 5 6 7 8 9 80 1 2 3 4 5 6 7 8 9

妙法蓮華經台宗會義卷六之二  
初藥王品最弘法之師竟  
華嚴千藏覺可垂燭功難交並問難迦登余味  
此之事利益無量一切衆生



60

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

1 2 3 4 5

6 7 8 9

10

+

十三